



REPUBLIKA E SHQIPËRISË
KOMISIONI I PROKURIMIT PUBLIK

Nr. 3115/7 prot.

Datë 27.11.2025

V E N D I M
Nr. 1754/2025

Komisioni i Prokurimit Publik, i përbërë nga:

Fiorent Zguro	Nënkryetar
Kreshnik Ternova	Anëtar
Anila Malaj	Anëtar
Gjergj Mersini	Anëtar

Në mbledhjen e datës 27.11.2025, shqyrtoi kërkesën me:

Objekt:

Shfuqizimi i vendimit të Komisionit të Vlerësimit të Ofertave për skualifikimin e ofertës të paraqitur nga operatori ekonomik “MC NETWORKING” SHPK në procedurën e prokurimit “E hapur, mbi kufirin e lartë monetar”, me Nr. REF-54514-07-11-2025, me objekt: “Shërbim Interneti Linja Primare”, me fond limit 21,773,156.00 (njëzet e një milion e shtatëqind e shtatëdhjetë e tre mijë e njëqind e pesëdhjetë e gjashtë) **Lekë, pa TVSH**, zhvilluar me datë 29-09-2025 nga autoriteti kontraktor, Identitek Sh.a.

Shfuqizimi i vendimit të Komisionit të Vlerësimit të Ofertave për kualifikimin e ofertës të paraqitur nga operatori ekonomik “One Albania” SHA, në procedurën e mësipërme e prokurimit.

Lënien të skualifikuar të ofertës së paraqitur nga operatori ekonomik “Nisatel” SHPK.

Ankimues:

Operatori ekonomik “MC Networking” SHPK me Nipt K72223007O me adresë: Njësia bashkiake nr 5, rruga Pjetër Bogdani, godina nr 3, Tiranë

Autoriteti Kontraktor:

IDENTITEK SHA me adresë: Rruga “Xhanfize Keko”, Ish Topografia Ushtarake, Tiranë

Subjekt i interesuar: Operatori ekonomik “One Albania” SHA me NIPT J61814094W dhe adresë Rr. "Muhedin Llagami", kompleksi Square 21, Tiranë

Operatori ekonomik “Nisatel” SHPK me NIPT K26330201T dhe adresë VLORE, Lagjja "Pavarësia", Kulla e parë tek Rrethi Skelë kati 2

Baza Ligjore: Ligji nr. 162/2020 *“Për Prokurimin Publik”*, i ndryshuar, Vendimi i Këshillit të Ministrave nr. 285, datë 19.05.2021 *“Për miratimin e rregullave të prokurimit publik”*, e ndryshuar, Vendimi i Komisionit të Prokurimit Publik Nr. 766, datë 13.10.2021 *“Për miratimin e rregullave për organizimin dhe funksionimin e Komisionit të Prokurimit Publik”*, Neni 4 i Vendimit të Komisionit të Prokurimit Publik nr. 500/2020 datë 5.11.2020 *“Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”*.

Komisioni i Prokurimit Publik, pasi dëgjoji relatorin e çështjes, shqyrtoi parashtrimet me shkrim e pretendimet e ankimuesit, dhe pasi diskutoi çështjen në tërësi,

V ë r e n:

I

Vlerësimi paraprak

I.1. Vlëra limit e përlogaritur për procedurën e prokurimit objekt-ankimi është mbi kufirin e ulët monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 *“Për prokurimin publik”*, i ndryshuar dhe Rregullat e Prokurimit Publik.

I.2. Operatori ekonomik ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik, në përputhje me kërkesat e përcaktuara në ligjin nr. 162/2020 *“Për prokurimin publik”*, i ndryshuar

I.4. Operatori ekonomik ankimues, ka respektuar afatet ligjore të paraqitjes së ankesës pranë autoritetit kontraktor dhe Komisionit të Prokurimit Publik.

II

Rrethanat e çështjes

II.1. Në datën 14-07-2025 është publikuar në Sistemin e Prokurimeve Elektronike procedura e prokurimit “E hapur, mbi kufirin e lartë monetar”, me Nr. REF-54514-07-11-2025, me objekt: “Shërbim Interneti Linja Primare”, me fond limit 21,773,156.00 (njëzet e një milion e shtatëqind e shtatëdhjetë e tre mijë e njëqind e pesëdhjetë e gjashtë) lekë pa TVSH, zhvilluar me datë 29-09-2025 nga autoriteti kontraktor, Identitek Sh.a.

II.2. Në datën 29.09.2025, autoriteti kontraktor zhvilloi procedurën e prokurimit objekt-ankimi.

II.3. Në datën 16.10.2025, autoriteti kontraktor ka njoftuar operatorët ekonomikë pjesëmarrës me anë të sistemit të prokurimeve elektronike (S.P.E.), mbi rezultatet e vlerësimit të Komisionit të Vlerësimit të Ofertave, të cilët kanë paraqitur ofertat ekonomike (pa TVSH), përkatësisht:

1. ONE ALBANIA SHA	11,310,000 lekë	kualifikuar
2. NISATEL SHPK	13,063,896 lekë	skualifikuar
3. MC NETWORKING SHPK	15,174,120 lekë	skualifikuar
4. VODAFONE ALBANIA SHA	17,418,522 lekë	skualifikuar
5. ALBANIAN SATELLITE COMMUNICATIONS SHPK	18,145,700.04 lekë	skualifikuar
6. ALBANIAN FIBER TELECOMMUNICATION” SHPK	0 lekë	skualifikuar

Operatori ekonomik “MC Networking” SHPK rezulton i skualifikuar me arsyetimin si vijon:

rezulton se dokumentacioni i këtij operatori nuk është në përputhje me të gjitha kërkesat kualifikuese të procedurës, pasi konstatohet se: - Në përmbushje të kriterit nr 2.2 pika 2 të kapacitetit ekonomik dhe financiar “Operatorët ekonomikë duhet të paraqesin kopje të certifikuara të balanceve të viteve: (2022, 2023, 2024) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushur nëse në dy bilance të njëpasnjëshme nuk ka raport negative ndërmjet aktivitetit dhe pasivit” - Bilanci i paraqitur i vitit 2022 me nr. 4384 prot., datë 06.03.2024, nuk ka vulën nga Drejtoria Rajonale Tatimore në asnjë nga faqet e tij. Gjithashtu Bilanci i vitit 2024 me nr. 9623 prot., datë 12.05.2025, i mungon vula nga Drejtoria Rajonale Tatimore në faqen nr.3 të tij. Për rrjedhojë mungesa e vulës tatimore bën që bilancet mos të konsiderohen të vlefshme dhe në përmbushje të kriterit. Sa më sipër, kjo ofertë vlerësohet të refuzohet dhe operatori ekonomik të skualifikohet, bazuar edhe në nenet 80 e 92 të Ligjit nr. 162/2020 “Për Prokurimin Publik”, i ndryshuar, dhe nenin 82 të VKM-së nr. 285 datë 19.05.2023 “Për miratimin e rregullave të prokurimit publik”, i ndryshuar. Për këtë arsye, operatori ekonomik “MC NETWORKING” SHPK Nuk kualifikohet.

II.4. Në datën 23.10.2025, në Sistemin e Prokurimit Elektronik autoriteti kontraktor ka publikuar Njoftimin e Fituesit Paraprak të procedurës së prokurimit.

II.5. Në datën 02.11.2025 nëpërmjet Sistemit të Ankesave Elektronike pranë Komisionit të Prokurimit Publik, është administruar ankesa me nr. 3115/2025 protokoli dhe me numër ankimi elektronik A/2025/6033 e operatorit ekonomik “MC NETWORKING” SHPK për procedurën e prokurimit “E hapur, mbi kufirin e lartë monetar”, me Nr. REF-54514-07-11-2025, me objekt: “Shërbim Interneti Linja Primare”, me fond limit 21,773,156.00 lekë pa TVSH, zhvilluar me datë 29-09-2025 nga autoriteti kontraktor, Identitek Sh.a.

Nga shqyrtimi paraprak i ankesës të sipërcituar, u konstatua se objekti i ankesës lidhet me vendimmarrjen e Komisionit të Vlerësimit të Ofertave mbi skualifikimin e ofertës të paraqitur nga operatori ekonomik ankimues “MC NETWORKING” SHPK, si dhe me vendimmarrjen e Komisionit të Vlerësimit të Ofertave mbi kualifikimin e ofertës të paraqitur nga operatori ekonomik “One Albania” SHA, si dhe lënien të skualifikuar të ofertës së paraqitur nga operatori ekonomik “Nisatel” SHPK.

II.6. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, i ndryshuar, Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimuesin, adresën dhe NUIS-in; b) të dhëna të plota për procedurën e prokurimit (objekt, numër reference, fond limit, datën e zhvillimit të procedurës), si dhe është publikuar formulari i publikimit Nr. 3115/1 prot., datë 03.11.2025.

II.7. Në datë 05.11.2025 nëpërmjet sistemit të ankesave elektronike operatori ekonomik “One Albania” SHA ka dorëzuar argumenta për kundërshtimin e pretendimeve të ngritura nga operatori ekonomik ankimues “MC Networking” SHPK, protokolluar pranë Komisionit të Prokurimit Publik me nr. 3115/2 prot., datë 05.11.2025.

II.8 Në datë 06.11.2025 nëpërmjet Sistemit të Ankesave Elektronike operatori ekonomik “One Albania” SHA ka dorëzuar “Formularin e paraqitjes së argumentave nga operatorët ekonomikë të interesuar pranë autoritetit/entit kontraktor dhe Komisionit të Prokurimit Publik”, protokolluar pranë Komisionit të Prokurimit Publik me nr. 3115/3 prot., datë 06.11.2025.

II.9. Me shkresën me nr. 604/33 prot., datë 11.11.2025 me lëndë “Dërgim dokumentacioni për procedurën e prokurimit “Procedurë e hapur mbi kufirin e lartë monetar” (shërbime) me objekt: “Shërbim interneti Linja primare”, protokolluar me tonën me nr. 3115/4 prot., datë 19.11.2025 autoriteti kontraktor ka dorëzuar aktin e trajtimit të ankesës së operatorit ekonomik “MC Networking” shpk, vendim nr. 604/30 prot., datë 10.11.2025 nga ku rezulton se e ka refuzuar ankesën.

II.10. Nga verifikimi i dokumentacionit të administruar në dosjen e shqyrtimit administrativ, si dhe bazuar në informacionin e autoritetit kontraktor, u konstatua se janë paraqitur argumente nga subjekti i interesuar “One Albania” SHA në përputhje me nenin 113 të ligjit “Për prokurimin publik”, i ndryshuar.

III

Komisioni i Prokurimit Publik

pas shqyrtimit të ankesës, dokumentacionit bashkëngjitur saj,

Arsyeton

III.1. Lidhur me pretendimin e operatorit ekonomik “MC Networking” SHPK për kundërshtimin e skualifikimit të ofertës së tij me arsyetimin se: *“Për të vërtetuar përmbushjen e këtij kriteri kualifikues, kompania jonë “MC NETWORKING” sh.p.k ka dorëzuar në dokumentacionin e ofertës Pasqyrën Financiare të vitit 2022, Pasqyrën Financiare të vitit 2023 dhe Pasqyrën Financiare të vitit 2024. Këto pasqyra financiare janë të marra nga Drejtoria e Tatimeve me shkresën përcjellëse të kësaj drejtorie, si më poshtë: 1. Shkresën me lëndë: Kthim Përgjigje nr. 4384 prot. datë 06.03.2024 nga Drejtoria Rajonale Tatimore Tiranë, ku vihet në dispozicion kopje te pasqyrave financiare të vitit 2022 2. Shkresën nr. 9021 prot. datë 08.05.2024 nga Drejtoria Rajonale Tatimore Tiranë, ku vihet në dispozicion kopje te pasqyrave financiare të vitit 2023 3. Shkresën me lëndë: Kthim Përgjigje nr. 9623 prot. datë 12.05.2025 nga Drejtoria Rajonale Tatimore Tiranë, ku vihet në dispozicion kopje te pasqyrave financiare të vitit 2024 Ky dokumentacion është lëshuar nga Drejtoria e Tatimeve dhe plotëson më së miri kriterin kualifikues të sipërpërmendur, ndërkohë që pretendimet e Komisionit të Vlerësimit të Ofertave si në vijim: “Bilanci i paraqitur i vitit 2022 me nr. 4384 prot., datë 06.03.2024, nuk ka vulën nga Drejtoria Rajonale Tatimore në asnjë nga faqet e tij. Gjithashtu Bilanci i vitit 2024 me nr. 9623 prot., datë 12.05.2025, i mungon vula nga Drejtoria Rajonale Tatimore në faqen nr.3 të tij. Për rrjedhojë mungesa e vulës tatimore bën që bilancet mos të konsiderohen të vlefshme dhe në përmbushje të kriterit”, lidhur me faktin se në Bilancin e vitit 2022 mungojnë vulat e tatimeve dhe në bilancin e vitit 2024 në faqen tre mungon vula e tatimeve, nuk qëndrojnë pasi këto dokumenta janë vënë në dispozicionin tonë nga ana e Drejtorisë së Tatimeve në këtë gjendje dhe nuk janë prodhuar nga ana jonë dhe për më tepër janë bashkalidhur shkresës përcjellëse të Drejtorisë së Tatimeve, Çka vërteton origjinalitetin dhe vërtetësinë e këtyre bilanceve. Gjithashtu nëse Komisioni i Vlerësimit të Ofertave do të kishte dyshime për vërtetësinë e këtyre dokumentave, atëherë në bazë të ligjit të prokurimit publik, ka patur mundësinë që të bënte verifikime pranë Drejtorisë së Tatimeve lidhur me vërtetësinë e këtyre dokumentave të lëshuara nga kjo drejtori, përpara se të merrte vendim për skualifikimin e ofertës së kompanisë tonë”, Komisioni i Prokurimit Publik vëren se,*

III.1.1 Në shtojcën 9 “Kriteret e veçanta të kualifikimit”, të dokumentave të tenderit, në pikën 2.2.2 autoriteti kontraktor ka kërkuar si vijon:

2.2.2 Operatorët ekonomikë duhet të paraqesin kopje të çertifikuara të bilanceve të viteve: (2022, 2023, 2024) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë

05.03.2009, atëherë bilancet duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushuar nëse në dy bilance të njëpasnjëshme nuk ka raport negative ndërmjet aktivitetit dhe pasivitetit.

III.1.2 Në përmbushje të kriterit të sipërcituar operatori ekonomik “MC Networking” SHPK ka dorëzuar në SPE:

- Raport Auditimi për pasqyrat financiare të shoqërisë MC Networking sh.p.k për periudhën nga 1 janari deri më 31 dhjetor 2022.
- Shkresën me nr. 4384 prot., datë 06.03.2024 me lëndë “Kthim përgjigje”, lëshuar nga Drejtoria e Përgjithshme e Tatimeve me përmbajtje si vijon: “Në përgjigje të kërkesës tuaj me numër çështje E0001220388 datë 05.03.2024, po ju vëmë në dispozicion në formatin PDF, kopje të pasqyrave financiare të depozituara nga ana juaj, në sistemin informatik tatimor, për vitet: Viti 2022 të dorëzuara elektronikisht pranë Drejtorisë Rajonale Tatimore Tiranë me datë 16.01.2024”. Bashkëlidhur kopje e pasqyrave financiare.
- Raport Auditimi për pasqyrat financiare të shoqërisë MC Networking sh.p.k për periudhën nga 1 janari 2023 deri më 31 dhjetor 2023.
- Shkresën me nr. 9021 prot., datë 08.05.2024 me lëndë “Kthim përgjigje”, lëshuar nga Drejtoria e Përgjithshme e Tatimeve me përmbajtje si vijon: “Në përgjigje të kërkesës tuaj me numër çështje E0001249644 datë 08.05.2024, po ju vëmë në dispozicion në formatin PDF, kopje të pasqyrave financiare të depozituara nga ana juaj, në sistemin informatik tatimor, për vitet: Viti 2023 të dorëzuara elektronikisht pranë Drejtorisë Rajonale Tatimore Tiranë me datë 07.05.2024”. Bashkëlidhur kopje e pasqyrave financiare.
- Raport Auditimi për pasqyrat financiare të shoqërisë MC Networking sh.p.k për periudhën nga 1 janari 2024 deri më 31 dhjetor 2024.
- Shkresën me nr. 9623 prot., datë 12.05.2025 me lëndë “Kthim përgjigje”, lëshuar nga Drejtoria e Përgjithshme e Tatimeve me përmbajtje si vijon: “Në përgjigje të kërkesës tuaj me numër çështje E0001425378 datë 11.05.2024, po ju vëmë në dispozicion në formatin PDF, kopje të pasqyrave financiare të depozituara nga ana juaj, në sistemin informatik tatimor, për vitet: Viti 2024 të dorëzuara elektronikisht pranë Drejtorisë Rajonale Tatimore Tiranë me datë 11.05.2024”. Bashkëlidhur kopje e pasqyrave financiare.

III.1.3. Në nenin 2 i ligjit 162/2020 “Për Prokurimin Publik” i ndryshuar, parashikohet shprehimisht se: “Qëllim i këtij ligji është:

- a) të rrisë efikasitetin dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
- dh) të sigurojë integritet, besim publik dhe transparencë në procedurat e prokurimit publik.

III.1.4. Neni 3 Parime të përgjithshme “1. Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale. 2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar. 3. Autoritetet dhe entet kontraktore janë të detyruara të zbatojnë detyrimet e përcaktuara në legjislacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën”.

III.1.5. Në nenin 43 “Kërkesat për kapacitetet ekonomiko-financiare”, e Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar parashikohet shprehimisht se: “1. Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik, për një periudhë maksimumi deri në 3 (tre) vitet e fundit financiare . 2. Vlera e xhiros minimale vjetore që u kërkohet operatorëve ekonomikë nuk mund të tejkalojë: a) dyfishin e vlerës së përllogaritur të kontratës ose lotit , në procedurat e prokurimit mbi kufirin e lartë monetar; b) vlerën e përllogaritur të kontratës ose lotit , në procedurat e prokurimit ndërmjet kufirit të lartë dhe të ulët monetar; c) 40 % të vlerës së përllogaritur të kontratës ose lotit , në procedurat e prokurimit nën kufirin e ulët monetar, dhe në procedurat e prokurimit “Shërbim konsulence”. 3. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor. 4. Nëse vlerësohet, autoriteti/enti kontraktor mund të kërkojë që operatorët ekonomikë të japin informacione në bilancet e tyre vjetore, për një periudhë maksimumi tre vitet e fundit financiare, që të tregojnë raportet, ndërmjet aktivitetit dhe pasivitetit. Nëse kërkohen një ose dy bilance, kërkesa konsiderohet e përmbushur nëse në bilancin/et e kërkuara nuk ka raport negativ ndërmjet aktivitetit dhe pasivitetit . 5. Në rastin e kontratave që bazohen në një marrëveshje kuadër, kërkesa për xhiron minimale, llogaritet mbi bazën e vlerës maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër. 6. Në çdo rast, kërkesat e mësipërme duhet të jenë në përpjesëtim dhe të lidhura ngushtë me objektin e kontratës. Ato i shërbejnë autoritetit/entit kontraktor për njohjen e gjendjes financiare të operatorëve ekonomikë dhe të mundësisë së tyre për përmbushjen me sukses të kontratës.

III.1.6. Komisioni i Prokurimit Publik gjykon, se vendosja e kriterëve të veçanta për kualifikim ka si synim kryesor që t’i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t’u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të

përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme.

Nisur nga arsyeja e skualifikimit të operatorit ekonomik “MC Networking” SHPK me arsyetimin se: *“Bilanci i paraqitur i vitit 2022 me nr. 4384 prot., datë 06.03.2024, nuk ka vulën nga Drejtoria Rajonale Tatimore në asnjë nga faqet e tij. Gjithashtu Bilanci i vitit 2024 me nr. 9623 prot., datë 12.05.2025, i mungon vula nga Drejtoria Rajonale Tatimore në faqen nr.3 të tij. Për rrjedhojë mungesa e vulës tatimore bën që bilanci mos të konsiderohen të vlefshme dhe në përmbushje të kriterit. Sa më sipër, kjo ofertë vlerësohet të refuzohet dhe operatori ekonomik të skualifikohet, bazuar edhe në nenet 80 e 92 të Ligjit nr. 162/2020 “Për Prokurimin Publik”, i ndryshuar, dhe nenin 82 të VKM-së nr. 285 datë 19.05.2023 “Për miratimin e rregullave të prokurimit publik”, i ndryshuar. Për këtë arsye, operatori ekonomik “MC NETWORKING” SHPK Nuk kualifikohet”, si dhe nga verifikimi i dokumentave të tenderit Komisioni i Prokurimit Publik konstaton, se në pikën 2.2.2 të shtojcës nr. 9 “Kriteret e veçanta të kualifikimit”, autoriteti kontraktor ka kërkuar si vijon: “2.2.2 Operatorët ekonomikë duhet të paraqesin kopje të certifikuara të balanceve të viteve: (2022, 2023, 2024) të paraqitura pranë autoriteteve përkatëse tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilanci duhet të shoqërohen edhe me raportet e auditimit ligjor të pasqyrave financiare vjetore, të kryera, nga auditues ligjorë ose shoqëri audituese. Kriteri konsiderohet i përmbushuar nëse në dy balance të njëpasnjëshme nuk ka raport negative ndërmjet aktivitetit dhe pasivit”. Në përmbushje të kriterit të sipërpërmendur operatori ekonomik “Mc Networking” SHPK ka dorëzuar në SPE dokumentacionin si vijon: Raport Auditimi për pasqyrat financiare të shoqërisë MC Networking sh.p.k për periudhën nga 1 janari deri më 31 dhjetor 2022. Shkresën me nr. 4384 prot., datë 06.03.2024 me lëndë “Kthim përgjigje”, lëshuar nga Drejtoria e Përgjithshme e Tatimeve me përmbajtje si vijon: “Në përgjigje të kërkesës tuaj me numër çështje E0001220388 datë 05.03.2024, po ju vëmë në dispozicion në formatin PDF, kopje të pasqyrave financiare të depozituara nga ana juaj, në sistemin informatik tatimor, për vitet: Viti 2022 të dorëzuara elektronikisht pranë Drejtorisë Rajonale Tatimore Tiranë me datë 16.01.2024”. Bashkëlidhur kopje e pasqyrave financiare. Raport Auditimi për pasqyrat financiare të shoqërisë MC Networking sh.p.k për periudhën nga 1 janari 2023 deri më 31 dhjetor 2023. Shkresën me nr. 9021 prot., datë 08.05.2024 me lëndë “Kthim përgjigje”, lëshuar nga Drejtoria e Përgjithshme e Tatimeve me përmbajtje si vijon: “Në përgjigje të kërkesës tuaj me numër çështje E0001249644 datë 08.05.2024, po ju vëmë në dispozicion në formatin PDF, kopje të pasqyrave financiare të depozituara nga ana juaj, në sistemin informatik tatimor, për vitet: Viti 2023 të dorëzuara elektronikisht pranë Drejtorisë Rajonale Tatimore Tiranë me datë 07.05.2024”. Bashkëlidhur kopje e pasqyrave financiare*

Raport Auditimi për pasqyrat financiare të shoqërisë MC Networking sh.p.k për periudhën nga 1 janari 2024 deri më 31 dhjetor 2024. Shkresën me nr. 9623 prot., datë 12.05.2025 me lëndë “Kthim përgjigje”, lëshuar nga Drejtoria e Përgjithshme e Tatimeve me përmbajtje si vijon: *“Në përgjigje të kërkesës tuaj me numër çështje E0001425378 datë 11.05.2024, po ju vëmë në dispozicion në formatin PDF, kopje të pasqyrave financiare të depozituara nga ana juaj, në sistemin informatik tatimor, për vitet: Viti 2024 të dorëzuara elektronikisht pranë Drejtorisë Rajonale Tatimore Tiranë me datë 11.05.2024”. Bashkëlidhur kopje e pasqyrave financiare.*

Pra nga verifikimi i dokumentacionit të dorëzuar në SPE Komisioni konstaton, se operatori ekonomik ka dorëzuar kopje të balanceve për vitin 2022, 2023, 2024 të shoqëruar nga shkresa

e lëshuar nga Drejtoria e Përgjithshme e Tatimeve, Tiranë. Në këto kushte Komisioni gjykon, se operatori ekonomik “MC Networking” SHPK ka dhënë një indicie që përmbush kriterin e veçantë të kualifikimit, pikën 2.2.2 të kriterëve të veçanta të kualifikimit, pasi bilancet e dorëzuara janë të shoqëruara nga shkresa e lëshuar nga Drejtoria e Përgjithshme e Tatimeve, Tiranë. Nëse autoriteti kontraktor kishte dyshime lidhur me dokumentacionin e dorëzuar mund të kryente verifikime të mëtejshme apo ti kërkonte sqarime operatorit ekonomik në përputhje me nenin 92 të LPP-së.

Në këto kushte, Komisioni gjykon, se skualifikimi i operatorit ekonomik ankimues nga ana e autoritetit kontraktor nuk është i drejtë. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Për pasojë, Komisioni gjykon, se operatorët ekonomikë pjesëmarrës në një procedurë prokurimi duhet të plotësojnë vetëm kërkesat e vendosura në dokumentet e tenderit, e rrjedhimisht, vlerësimi e kualifikimi i tyre duhet të bëhet në përputhje vetëm me këto kërkesa.

Sa më sipër pretendimi i operatorit ekonomik ankimues qëndron.

III.2 Lidhur me pretendimin e operatorit ekonomik “MC Networking” SHPK për kundërshtimin e kualifikimit të operatorit ekonomik “One Albania” SHA me arsyetimin se: *“Në fazën e ofertimit, sipas parashikimeve të nenit 26 të Vendimit të Këshillit të Ministrave nr 265/2021 “Për miratimin e rregullave të prokurimit publik”, i ndryshuar, ofertuesit kanë detyrimin që jo vetëm të dorëzojnë Shtojcën 10 “FORMULARI PËRMBLEDHËS I VETËDEKLARIMIT”, por që për të vërtetuar se përmbush kriterin si në vijim: “a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv”, duhet që në Shtojcën 10 të deklarojë dokumentin e që vërteton këtë kriter (dokument të cilin do ta dorëzojë origjinal ose kopje të noterizuar në rast se kualifikohet i pari dhe përpara se të shpallet fitues paraprak), si dhe duhet të deklarojë bazën e të dhënave ku ky dokument mund të aksesohet që në rastin konkret është faqja e internetit e Qendrës Kombëtare të Biznesit si në vijim: “www.qkb.gov.al”. Kompania: “ONE ALBANIA” sh.a në Shtojcën 10 “FORMULARI PËRMBLEDHËS I VETËDEKLARIMIT” në Seksionin A “DEKLARATË PËR PËRMBUSHJEN E KRITEREVE TË PËRGJITHSHME TË KUALIFIKIMIT” nuk ka deklaruar dokumentin që vërteton se kjo kompani është e regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv dhe konkretisht EKSTRAKTIN E RREGJISTRIT TREGTAR të lëshuar nga Qendra Kombëtare e Biznesit, si dhe nuk ka deklaruar bazën e të dhënave shtetërore ku ky dokument mund të aksesohet direkt nga autoritetit kontraktor dhe konkretisht faqja e internetit e Qendrës Kombëtare të Biznesit si në vijim: “www.qkb.gov.al”, duke mos e plotësuar kriterin kualifikues të sipërpërmendur”, Komisioni i Prokurimit Publik vëren se,*

III.2.1 Në shtojcën 9 “KRITERET E PËRGJITHSHME TË PËRZGJEDHJES/ KUALIFIKIMIT”, pika 1/a dhe në pikën 2 “Kriteret e veçanta të kualifikimit” autoriteti kontraktor ka kërkuar si vijon:

1. Ofertuesi deklaron se:

a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

1. Ofertuesi duhet të paraqesë:

a. Formularin Përmbledhës të Vetëdeklarimit, **sipas Shtojcës 10.**

III.2.2 Në shtojcën 10 “Formulari përmbledhës i vetëdeklarimit” Pjesa II: Shkaqet e përjashtimit A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT autoriteti kontraktor ka kërkuar si vijon:

Pjesa II: Shkaqet e përjashtimit

A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT

Deklarata
Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv. <i>Sqarime nëse vlerësohet e nevojshme</i> _____
Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së. <i>Sqarime nëse vlerësohet e nevojshme</i> _____
Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose kompetenca përfaqësuese, vendimmarrëse ose kontrolluese brenda operatorit ekonomik, si më poshtë: _____ _____ etj.

nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë të dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj. <i>Sqarime nëse vlerësohet e nevojshme</i> _____
Operatori ekonomik nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi <i>Sqarime nëse vlerësohet e nevojshme</i> _____
Operatori ekonomik nuk është në proces falimentimi (statusi aktiv). <i>Sqarime nëse vlerësohet e nevojshme</i> _____
Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së. <i>Sqarime nëse vlerësohet e nevojshme</i> _____
Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi. Ky informacion kërkohet për operatorët ekonomikë, të cilët operojnë në territorin e Republikës së Shqipërisë. <i>Sqarime nëse vlerësohet e nevojshme</i> _____
Operatori Ekonomik nuk ka shfaqur mangësi të rëndësishme apo të vazhdueshme në përmbushjen e një kriteri thelbësor të një kontrate të mëparshme me një autoritet ose ent kontraktor apo një kontrate koncesionare që ka çuar në përfundimin e kësaj kontrate. <i>Sqarime nëse vlerësohet e nevojshme</i> _____
Operatori ekonomik ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi. <i>Sqarime nëse vlerësohet e nevojshme</i> _____
Operatori ekonomik i regjistruar në regjistrin tregtar shqiptar zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. <i>Sqarime nëse vlerësohet e nevojshme</i> _____
Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së. Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të fituar kontrata publike, me vendim të Agjencisë së Prokurimit Publik, gjatë kohës që ky vendim është në fuqi. <i>Sqarime nëse vlerësohet e nevojshme</i> _____
Operatori ekonomik ushtron aktivitetin e tij në zbatimin e kërkesave ligjore në fuqi.

Sqarime nevojshme_____	nëse	vlerësohet	e
---------------------------	------	------------	---

III.2.3 Në përmbushje të kriterit të sipërpërmendur operatori ekonomik “One Albania” SHA ka dorëzuar në SPE dokumentacionin si vijon:

- Formular përmbledhës i vetëdeklarimit i nënshkruar dhe vulosur, datë 29.09.2025.

III.2.4. Në nenin 77 të ligjit nr. 162/2020 “Për prokurimin publik”, i ndryshuar parashikohet shprehimisht se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;
- b) gjendjen ekonomike dhe financiare;
- c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.

3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën.

Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivit.

Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë.

Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme

njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”

Në nenin 82 “Formulari përmbledhës i vetëdeklarimit” pika 1 të ligjit nr. 162/2020 “Për prokurimin publik”, i ndryshuar, parashikohet shprehimisht : “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik.”

Ndërsa në nenin 92/3 të LPP-së përcaktohet se: “3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji....”

III.2.5. Në nenin 26 “Formulari përmbledhës i vetëdeklarimit” të Vendimit Nr. 285 datë 19.05.2021 të Këshillit të Ministrave “Për miratimin e rregullave të prokurimit publik” i ndryshuar, parashikohet se: “1. Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.

2. Formulari përmbledhës i vetëdeklarimit përmban informacion dhe deklarimin, si më poshtë vijon:

a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;

c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;

ç) operatori ekonomik nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;

d) operatori ekonomik nuk është në proces falimentimi;

dh) operatori ekonomik ka paguar të gjitha detyrimet për pagimin e taksave dhe tatimeve të kontributeve të sigurimeve shoqërore, sipas parashikimeve të pikës 2, të nenit 76, të LPP-së;
e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohej për operatorët ekonomikë, të cilët ushtrojnë veprimtarinë në territorin e Republikës së Shqipërisë;
ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;

f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;

g) operatori ekonomik ka paraqitur ofertë të pavarur, sipas kërkesave të legjislacionit në fuqi;

gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;

h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);

i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;

j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;

k) operatori ekonomik ushtron aktivitetin konform kërkesave të legjislacionit në fuqi;

l) operatori ekonomik ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi;

ll) operatori ekonomik i regjistruar në regjistrin tregtar shqiptar zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë.

3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.

4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

5. Operatorëve ekonomikë nuk u kërkohej të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.

6. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i” dhe “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike.

Në procedurat e prokurimit me faza, ky dokumentacion i kërkohej të gjithë kandidatëve të kualifikuar në fazën e parë, përpara nisjes së afateve të ankimit. Ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, duhet të dorëzojë dokumentat provuese, të cilat duhet të jenë në origjinal ose në kopje të njehsuara me origjinalin. Për dokumentat e ofertës, të ngarkuara në sistemin e prokurimit elektronik, ofertuesi i kualifikuar i pari duhet t'i paraqesë këto dokumenta në origjinal ose të njehsuara me origjinalin. Gjithashtu, dokumentet provuese, që do të paraqiten për të provuar vetëdeklarimet

e bëra, duhet të paraqiten në origjinal ose të njësuara me origjinalin dhe të provojnë gjendjen faktike të ofertuesit në kohën e ofertimit të tij . Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike. Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj. Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.

7.Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime.”

III.2.6. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Kriteret kualifikuese të përcaktuara nga autoriteti kontraktor, janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Operatorët ekonomikë pjesëmarrës duhet të vërtetojnë se zotërojnë reputacionin, besueshmërinë, kapacitetet e konsideruara të nevojshme nga autoriteti kontraktor, për të zbatuar kontratën objekt-prokurimi. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi.

III.2.7. Në rastin konkret referuar pretendimit të operatorit ekonomik ankimues “MC Networking” SHPK për kundërshtimin e kualifikimit të operatorit ekonomik “One Albania” SHA me arsyetimin se: “Kompania: “ONE ALBANIA” sh.a në Shtojcën 10 “FORMULARI PËRMBLEDHËS I VETËDEKLARIMIT” në Seksionin A “DEKLARATË PËR PËRMBUSHJEN E KRITEREVE TË PËRGJITHSHME TË KUALIFIKIMIT” nuk ka deklaruar dokumentin që vërteton se kjo kompani është regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv dhe konkretisht EKSTRAKTIN E RREGJISTRIT TREGTAR të lëshuar nga Qendra Kombëtare e Biznesit, si dhe nuk ka deklaruar bazën e të dhënave shtetërore ku ky dokument mund të aksesohet direkt nga autoritetit kontraktor dhe konkretisht faqja e internetit e Qendrës Kombëtare të Biznesit si në vijim: “www.qkb.gov.al”, duke mos e plotësuar kriterin kualifikues

të sipërpërmendur [...]”, Komisioni konstaton se operatori ekonomik ankimues “One Albania” SHA ka ngarkuar në Sistemin e Prokurimit Elektronik, Formularin Përmbledhës të Vetëdeklarimit. Në këtë formular vetëdeklarimi, shtojca 10 e DST, pjesa II: Shkaqet e përjashtimit, pika “A” deklarata për përmbushjen e kriterëve të përgjithshme të kualifikimit, Komisioni i Prokurimit Publik konstaton, se operatori ekonomik ankimues në dorëzimin e Formularit Përmbledhës të Vetëdeklarimit, ka plotësuar të gjitha të dhënat e mundshme, konkretisht përsa i përket pikës 1/a të përcaktuar në “Kriteret e përgjithshme të kualifikimit” dhe në shtojcën 10 “Formulari përmbledhës i vetëdeklarimit”, ku përcaktohet se: “ofertuesi deklaron se është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv”, ku në pjesën sqarime nëse vlerësohet e nevojshme operatori ekonomik ka deklaruar se One Albania SHA deklaron se: *“është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv. Deklarojmë se në rast shpallje fitues, do të dorëzojmë dokumentat provuese për vetëdeklarimet në formularin përmbledhës të vetëdeklarimit, si dhe dokumentat e paraqitura si pjesë e ofertës në rrugë elektronike. Këto dokumente do të paraqiten në origjinal ose në kopje të njesuara me origjinalin”*. Në këto kushte Komisioni gjykon, se operatori ekonomik “One Albania” SHA ka plotësuar të dhënat e mundshme duke deklaruar të dhënat si më sipërcituar.

Akoma më tej Komisioni thekson se, operatori ekonomik “One Albania” SHA si operatori ekonomik i kualifikuar i pari ka dorëzuar dokumentacionin provues pranë autoritetit kontraktor në përmbushje të pikës 6 të nenit 26 të vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar.

Në përfundim të analizës së fakteve përkatëse, Komisioni arrin në konkluzionin se dokumentacioni i paraqitur nga operatori ekonomik “One Albania” SHA në procedurën e prokurimit, plotëson kërkesat e autoritetit kontraktor dhe konsiderohet i vlefshëm.

Sa më sipër, pretendimi i operatorit ekonomik ankimues “MC Networking” SHPK nuk qëndron.

III.3. Lidhur me pretendimin e operatorit ekonomik “MC Networking” SHPK për kundërshtimin e kualifikimit të operatorit ekonomik “One Albania” SHA me arsyetimin se: *“[...] Në fazën e ofertimit, sipas parashikimeve të nenit 26 të Vendimit të Këshillit të Ministrave nr 265/2021 “Për miratimin e rregullave të prokurimit publik”, i ndryshuar, ofertuesit kanë detyrimin që jo vetëm të dorëzojnë Shtojcën 10 “FORMULARI PËRMBLEDHËS I VETËDEKLARIMIT”, por që për të vërtetuar se përmbush kriterin si në vijim: “ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendimi i gjykatës i formës së prerë për çdo vepër penale, të përcaktuar në nenin 76/1 të LPP-së;., duhet që në Shtojcën 10 të deklarojë të gjithë administratorët, anëtarët e Këshillit Mbikqyrës dhe Aksionerët e*

kompanisë, si dhe njëkohësisht duhet që të deklarojë dokumentin që vërteton përmbushjen e këtij kriteri dhe që konkretisht është “Vërtetim i Gjendjes Gjyqësorë i cili lëshohet nga Drejtoria e Përgjithshme e Burgjeve nëpërmjet portalit: E-ALBANIA” (dokument të cilin do ta dorëzojë origjinal ose kopje të noterizuar në rast se kualifikohet i pari dhe përpara se të shpallet fitues paraprak). Nga verifikimet tona në Ekstaktin e Rregjistrimit Tregtar të kompanisë ONE ALBANIA sh.a në faqen e internetit të Qendrës Kombëtare të Biznesit kemi konstatuar se kjo kompani ka 5 (pesë) administratorë si në vijim: TAMËS TEBORI, PETER KRISZTIAN FEKETE, BARNA K/TV=LGYI, GABOR TOMCSANYI dhe CSABA FERENC THURZOË, ka 3 (tre) anëtarë të Këshillit Mbikqyrës, si në vijim: ANDRËS KUNOSI, Csaba VezekËnyi dhe ZOLTËN SIMONË, si dhe ka 5 (pesë) aksionerë, si në vijim: AKSIONARE TE TJERE (persona fizike), Ministria e Financave dhe Ekonomisë, 4iG Albania Kft, Albania Telecom Invest AD dhe POSTA SHQIPTARE SH.A. Kompania :ONE ALBANIA sh.a në Shtojcën 10 “FORMULARI PËRMBLEDHËS I VETËDEKLARIMIT” në Seksionin A “DEKLARATË PËR PËRMBUSHJEN E KRITEREVE TË PËRGJITHSHME TË KUALIFIKIMIT” nuk ka deklaruar 5 (pesë) ADMINISTRATORËT, nuk ka deklaruar 3 (tre) ANËTARËT E KËSHILLIT MBIKQYRËS, nuk ka deklaruar AKSIONERËT, si në vijim: “EMRAT E TË GJITHË AKSIONERËVE PERSONA FIZIK; EMRAT E PERSONIT/PERSONAVE QË PËRFAQËSOJNË MINISTRINË E FINANCEVE DHE EKONOMISË EMRAT E ADMINISTRATORIT DHE PRONARIT/PRONARËVE TË KOMPANISË “4iG Albania Kft”; EMRAT E ADMINISTRATORIT DHE PRONARIT/PRONARËVE TË KOMPANISË “Albania Telecom Invest AD” dhe EMRAT E PERSONIT/PERSONAVE QË PËRFAQËSOJNË “POSTA SHQIPTARE” SH.A”, si dhe nuk ka deklaruar dokumentin Vërtetim i Gjendjes Gjyqësorë i cili lëshohet nga Drejtoria e Përgjithshme e Burgjeve nëpërmjet portalit: E-ALBANIA, duke mos e plotësuar kriterin kualifikues të sipërpërmendur”, Komisioni i Prokurimit Publik vëren se,

III.3.1 Në shtojcën 9 “KRITERET E PËRGJITHSHME TË PËRZGJEDHJES/KUALIFIKIMIT”, pika 1/ç dhe në pikën 1/a “Kriteret e veçanta të kualifikimit” autoriteti kontraktor ka kërkuar si vijon:

1.Ofertuesi deklaron se:

ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendim i gjykatës i formës së prerë për çdo vepër penale, të përcaktuar në nenin 76/1 të LPP-së;

2. KRITERET E VEÇANTA TË KUALIFIKIMIT

1. Ofertuesi duhet të paraqesë:

a. Formularin Përmbledhës të Vetëdeklarimit, sipas Shtojcës 10.

III.3.2 Në shtojcën 10 “Formulari përmbledhës i vetëdeklarimit” Pjesa II: Shkaqet e përjashtimit A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT autoriteti kontraktor ka kërkuar si vijon:

Pjesa II: Shkaqet e përjashtimit

A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT

Deklarata
Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv. <i>Sqarime nëse vlerësohet e nevojshme</i> _____
Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së. <i>Sqarime nëse vlerësohet e nevojshme</i> _____
Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose kompetenca përfaqësuese, vendimmarrëse ose kontrolluese brenda operatorit ekonomik, si më poshtë: _____ _____ etj. nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë të dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj. <i>Sqarime nëse vlerësohet e nevojshme</i> _____
Operatori ekonomik nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi <i>Sqarime nëse vlerësohet e nevojshme</i> _____
Operatori ekonomik nuk është në proces falimentimi (statusi aktiv). <i>Sqarime nëse vlerësohet e nevojshme</i> _____
Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së. <i>Sqarime nëse vlerësohet e nevojshme</i> _____
Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi.

Ky informacion kërkohet për operatorët ekonomikë, të cilët operojnë në territorin e Republikës së Shqipërisë. <i>Sqarime nëse vlerësohet e nevojshme</i> _____
Operatori Ekonomik nuk ka shfaqur mangësi të rëndësishme apo të vazhdueshme në përmbushjen e një kriteri thelbësor të një kontrate të mëparshme me një autoritet ose ent kontraktor apo një kontrate koncesionare që ka çuar në përfundimin e kësaj kontrate. <i>Sqarime nëse vlerësohet e nevojshme</i> _____
Operatori ekonomik ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi. <i>Sqarime nëse vlerësohet e nevojshme</i> _____
Operatori ekonomik i regjistruar në regjistrin tregtar shqiptar zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. <i>Sqarime nëse vlerësohet e nevojshme</i> _____
Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së. Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të fituar kontrata publike, me vendim të Agjencisë së Prokurimit Publik, gjatë kohës që ky vendim është në fuqi. <i>Sqarime nëse vlerësohet e nevojshme</i> _____
Operatori ekonomik ushtron aktivitetin e tij në zbatimin e kërkesave ligjore në fuqi. <i>Sqarime</i> _____ <i>nëse</i> _____ <i>vlerësohet</i> _____ <i>e</i> _____ <i>nevojshme</i> _____

III.3.3 Në përmbushje të kriterit të sipërpërmendur operatori ekonomik “One Albania” SHA ka dorëzuar në SPE dokumentacionin si vijon:

- Formular përmbledhës i vetëdeklarimit i nënshkruar dhe vulosur, datë 29.09.2025.

III.3.4. Në nenin 77 të ligjit nr. 162/2020 “Për prokurimin publik”, i ndryshuar parashikohet shprehimisht se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;
- b) gjendjen ekonomike dhe financiare;
- c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar

kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.

3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën.

Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivit.

Xhiroja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë.

Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës.

5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”

Në nenin 82 “Formulari përmbledhës i vetëdeklarimit” pika 1 të ligjit nr. 162/2020 “Për prokurimin publik”, i ndryshuar, parashikohet shprehimisht : “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik.”

Ndërsa në nenin 92/3 të LPP-së përcaktohet se: “3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji....”

III.3.5. Në nenin 26 “Formulari përmbledhës i vetëdeklarimit” të Vendimit Nr. 285 datë 19.05.2021 të Këshillit të Ministrave “Për miratimin e rregullave të prokurimit publik” i ndryshuar, parashikohet se: “1. Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla.

2. Formulari përmbledhës i vetëdeklarimit përmban informacion dhe deklarin, si më poshtë vijon:

- a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;
- b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;
- c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;
- ç) operatori ekonomik nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;
- d) operatori ekonomik nuk është në proces falimentimi;
- dh) operatori ekonomik ka paguar të gjitha detyrimet për pagimin e taksave dhe tatimeve të kontributeve të sigurimeve shoqërore, sipas parashikimeve të pikës 2, të nenit 76, të LPP-së;
- e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërkohej për operatorët ekonomikë, të cilët ushtrojnë veprimtarinë në territorin e Republikës së Shqipërisë;
- ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;
- f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;
- g) operatori ekonomik ka paraqitur ofertë të pavarur, sipas kërkesave të legjislacionit në fuqi;
- gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;
- h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);
- i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;
- j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;
- k) operatori ekonomik ushtron aktivitetin konform kërkesave të legjislacionit në fuqi;

l) operatori ekonomik ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi;

ll) operatori ekonomik i regjistruar në regjistrin tregtar shqiptar zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë.

3. Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.

4. Për përmbushjen e detyrimit sipas këtij neni, operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm.

5. Operatorëve ekonomikë nuk u kërkohet të dorëzojnë dokumente mbështetëse, kur autoriteti ose enti kontraktor që ka dhënë kontratën ose ka lidhur marrëveshjen kuadër, i ka këto dokumente.

6. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i” dhe “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike.

Në procedurat e prokurimit me faza, ky dokumentacion i kërkohet të gjithë kandidatëve të kualifikuar në fazën e parë, përpara nisjes së afateve të ankimit. Ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, duhet të dorëzojë dokumentat provuese, të cilat duhet të jenë në origjinal ose në kopje të njehsuara me origjinalin. Për dokumentat e ofertës, të ngarkuara në sistemin e prokurimit elektronik, ofertuesi i kualifikuar i pari duhet t'i paraqesë këto dokumenta në origjinal ose të njësuar me origjinalin. Gjithashtu, dokumentet provuese, që do të paraqiten për të provuar vetëdeklarimet e bëra, duhet të paraqiten në origjinal ose të njësuar me origjinalin dhe të provojnë gjendjen faktike të ofertuesit në kohën e ofertimit të tij . Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike. Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj. Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.

7. Në çdo rast, autoriteti/enti kontraktor ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik si më sipër, ose t'i kërkojë operatorit sqarime dhe dokumente mbështetëse për këto sqarime.”

III.3.6. Referuar frymës së legjislacionit për prokurimin publik, vendosja e kriterëve të veçanta për kualifikim ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj autoriteti kontraktor

përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Kriteret kualifikuese të përcaktuara nga autoriteti kontraktor, janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Operatorët ekonomikë pjesëmarrës duhet të vërtetojnë se zotërojnë reputacionin, besueshmërinë, kapacitetet e konsideruara të nevojshme nga autoriteti kontraktor, për të zbatuar kontratën objekt-prokurimi. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi.

III.3.7. Në rastin konkret referuar pretendimit të operatorit ekonomik ankimues “MC Networking” SHPK për kundërshtimin e kualifikimit të operatorit ekonomik “One Albania” SHA me arsyetimin se: *“Kompania :ONE ALBANIA sh.a në Shtojcën 10 “FORMULARI PËRMBLEDHËS I VETËDEKLARIMIT” në Seksionin A “DEKLARATË PËR PËRMBUSHJEN E KRITEREVE TË PËRGJITHSHME TË KUALIFIKIMIT” nuk ka deklaruar 5 (pesë) ADMINISTRATORËT, nuk ka deklaruar 3 (tre) ANËTARËT E KËSHILLIT MBIKQYRËS, nuk ka deklaruar AKSIONERËT, si në vijim: EMRAT E TË GJITHË AKSIONERËVE PËRSONA FIZIK; EMRAT E PERSONIT/PERSONAVE QË PËRFAQËSOJNË MINISTRINË E FINANCAVE DHE EKONOMISË EMRAT E ADMINISTRATORIT DHE PRONARIT/PRONARËVE TË KOMPANISË “4iG Albania Kft”; EMRAT E ADMINISTRATORIT DHE PRONARIT/PRONARËVE TË KOMPANISË “Albania Telecom Invest AD” dhe EMRAT E PERSONIT/PERSONAVE QË PËRFAQËSOJNË “POSTA SHQIPTARE” SH.A”, si dhe nuk ka deklaruar dokumentin Vërtetim i Gjendjes Gjyqësorë” i cili lëshohet nga Drejtoria e Përgjithshme e Burgjeve nëpërmjet portalit: E-ALBANIA [...]”, Komisioni konstaton, se operatori ekonomik ankimues “One Albania” SHA ka ngarkuar në Sistemin e Prokurimit Elektronik, Formularin Përmbledhës të Vetdeklarimit. Në këtë formular vetëdeklarimi, shtojca 10 e DST, pjesa II: Shkaqet e përjashtimit, pika “A” deklarata për përmbushjen e kriterëve të përgjithshme të kualifikimit, Komisioni i Prokurimit Publik konstaton, se operatori ekonomik ankimues në dorëzimin e Formularit Përmbledhës të Vetëdeklarimit, ka deklaruar si vijon: Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose kompetenca përfaqësuese, vendimmarrëse ose kontrolluese brenda operatorit ekonomik, si më poshtë: C. F. Th., P.K.F, T.T, G.T, A.K, C.V, Z.S, E. M, nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qënë të dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së etj. Nga verifikimi i ekstraktit të regjistrit tregtar për të dhënat e subjektit “shoqëri aksionare”, Komisioni konstaton, se sipas ekstraktit të vulosur elektronikisht datë 01.09.2025 të ngarkuar në SPE nga operatori ekonomik “One Albania” SHA rezultojnë administratorët si vijon: T.T, P.K.F, G.T, C.F.Th, anëtarë të këshillit mbikqyrës A.K, C.V, Z.S, aksionarët: Ministria e Financave dhe Ekonomisë, 4iG Albania Kft, Albania Telecom Invest AD, Posta Shqiptare sha.*

Nga verifikimi i kryer Komisioni konstaton, se operatori ekonomik “One Albania” SHA nuk ka deklaruar në formularin përmbledhës të vetëdeklarimit në pjesën II: Shkaqet e përjashtimit, pika “A” deklarata për përmbushjen e kriterëve të përgjithshme të kualifikimit, aksionarët, duke mos përmbushur në këtë mënyrë kriteret e përgjithshme të kualifikimit, pikën 1/ç ku përcaktohet shprehimisht se operatori ekonomik ofertues duhet të deklarojë **personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik.**

Sa më sipër pretendimi i operatorit ekonomik ankimues “MC Networking” SHPK qëndron.

III.4. Lidhur me pretendimin e operatorit ekonomik “MC Networking” SHPK për kundërshtimin e kualifikimit të operatorit ekonomik “One Albania” SHA me arsyetimin se: *“[...] Në fazën e ofertimit, sipas parashikimeve të nenit 26 të Vendimit të Këshillit të Ministrave nr 265/2021 “Për miratimin e rregullave të prokurimit publik”, i ndryshuar, ofertuesit kanë detyrimin që jo vetëm të dorëzojnë Shtojcën 10 “FORMULARI PËRMBLEDHËS I VETËDEKLARIMIT”, por që për të vërtetuar se përmbush kriterin si në vijim: “dh) nuk ka pagesa të pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së., duhet që në Shtojcën 10 të deklarojë dokumentin e që vërteton këtë kriter (dokument të cilin do ta dorëzojë origjinal ose kopje të noterizuar në rast se kualifikohet i pari dhe përpara se të shpallet fitues paraparak), si dhe duhet që të deklarojë dokumentin që vërteton përmbushjen e këtij kriteri dhe që konkretisht është “Vërtetim për Likuidimin e Detyrimeve Vendore” i cili lëshohet nga Bashkitë ku ushtron aktivitet shoqëria. Kompania :ONE ALBANIA” sh.a në Shtojcën 10 “FORMULARI PËRMBLEDHËS I VETËDEKLARIMIT” në Seksionin A “DEKLARATË PËR PËRMBUSHJEN E KRITEREVE TË PËRGJITHSHME TË KUALIFIKIMIT” nuk ka deklaruar të gjithë dokumentat për të vërtetuar pagimin e detyrimeve vendore nga çdo Bashki që ushtron aktivitetin e saj sipas ekstraktit në QKB. Nga ekstrakti në QKB i kompanisë ONE ALBANIA sh.a. rezulton se kompania ushtron aktivitet në të gjitha Bashkitë e Territorit të Republikës së Shqipërisë, por në Shtojcën 10 ka deklaruar vetëm Vërtetimin e Likuidimit të Detyrimeve Vendore nga Bashkia Tiranë, gjithashtu dhe dorëzuar si dokumentacion provues. Ndërkohë sipas LPP duhet të deklaronte dhe pastaj të dorëzonte dokumentacionin provues që nuk ka pagesa të pashlyera të taksave [...]”, Komisioni i Prokurimit Publik vëren se,*

III.4.1 Në shtojcën 9 “KRITERET E PËRGJITHSHME TË PËRZGJEDHJES/ KUALIFIKIMIT” të dokumentave të tenderit është kërkuar si vijon:

Shtojca 9.

[Shtojcë për t’u plotësuar nga Autoriteti Kontraktor]

FORMULAR I I KRITEREVE TË PËRZGJEDHJES/KUALIFIKIMIT

1. KRITERET E PËRGJITHSHME TË PËRZGJEDHJES/ KUALIFIKIMIT

Ofertuesi deklaron se:

- a) është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;*
- b) nuk është në proces falimentimi (status aktiv);*
- c) nuk është dënuar për ndonjë vepër penale, në përputhje me nenin 76/1 të LPP-së;*
- ç) personi (personat) që veprojnë si anëtar i organit administrativ, drejtori ose mbikëqyrësi, aksioneri ose ortak, ose që ka fuqi përfaqësuese, vendimmarrëse ose kontrolluese brenda Operatorit Ekonomik, nuk është i dënuar ose nuk ka qenë i dënuar nga një vendim i gjykatës i formës së prerë për çdo vepër penale, të përcaktuar në nenin 76/1 të LPP-së;*
- d) nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;*
- dh) nuk ka pagesa pashlyera të taksave dhe kontributeve të sigurimeve shoqërore, ose ndodhet në një prej kushteve të parashikuara në nenin 76/2 të LPP-së;*
- e) ka paguar energjinë elektrike dhe plotëson kërkesat që burojnë nga legjislacioni në fuqi. Ky informacion kërkohet për Operatorët Ekonomikë, të cilët operojnë në territorin e Republikës së Shqipërisë.*
- f) nuk është në kushtet e konfliktit të interesit, sipas legjislacionit në fuqi;*
- g) ushtron veprimtarinë në përputhje me legjislacionin përkatës mjedisor, social dhe të punës;*
- gj) ka paraqitur një Ofertë të Pavarur, sipas kërkesave të legjislacionit në fuqi;*
- h) kryen aktivitetin në përputhje me kërkesat e legjislacionit në fuqi.*
- i) nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë/kanë qenë në këtë cilësi në një operator ekonomik të përjashtuar nga e drejta për të fituar kontrata publike, me vendim të Agjencisë së Prokurimit Publik, gjatë kohës që ky vendim është në fuqi;*
- j) ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi.*
- k) zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. Ky informacion kërkohet për Operatorët Ekonomikë, i regjistruar në regjistrin tregtar shqiptar.*

*Këto kritere duhet të përmbushen me paraqitjen e Formularit Përmbledhës të Vetëdeklarimit të operatorit ekonomik në ditën e hapjes së Ofertës, sipas **Shtojcës 10**.*

Në rast bashkimi të operatorëve ekonomikë, secili anëtar i grupit duhet të paraqesë Vetëdeklarimin e lartpërmendur.

Në rast se operatori ekonomik ofertues do të mbështetet në kapacitetet e subjekteve të tjera, Vetëdeklarimi i lartpërmendur duhet të paraqitet edhe nga subjekti mbështetës.

Kriteret e Përgjithshme të Pranimit nuk duhet të ndryshohen nga Autoritetet Kontraktore.

Në çdo rast, Autoriteti Kontraktor ka të drejtë të kryejë verifikimet e nevojshme për vërtetësinë e informacionit të deklaruar nga Operatori Ekonomik, për sa më sipër.

Nëse oferta paraqitet nga një bashkim Operatorësh Ekonomikë, do të paraqitet :

- Marrëveshje bashkëpunimi ndërmjet Operatorëve Ekonomikë, ku caktohet përfaqësuesi, përqindja e pjesëmarrjes në bashkim, dhe elementët që merr përsipër të realizojë secili prej anëtarëve të bashkimit.
- Nëse, një operator ekonomik dëshiron të mbështetet në kapacitetet e subjekteve të tjera, ai i vërteton autoritetin kontraktor se do të ketë në dispozicion burimet e nevojshme, duke dorëzuar një angazhim me shkrim të këtyre subjekteve për këtë qëllim.

III.4.2. Në nenin 76 të ligjit nr. 162/2020 “Për prokurimin publik”, i ndryshuar, parashikohet shprehimisht se: “1. Çdo operator ekonomik që është ose ka qenë i dënuar me vendim gjyqësor të formës së prerë për ndonjë nga veprat penale të përmendura në këtë pikë, skualifikohet nga procedurat e prokurimit publik për një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata. Ky skualifikim bëhet për veprat penale të mëposhtme:

- a) pjesëmarrje në grup të strukturuar kriminal, organizatë kriminale, bandë e armatosur, organizatë terroriste, sipas përcaktimeve të legjislacionit në fuqi;
- b) korrupsion sipas përcaktimeve të legjislacionit në fuqi;
- c) mashtrim sipas përcaktimeve të legjislacionit në fuqi;
- ç) pastrim parash ose financim të terrorizmit sipas përcaktimeve të legjislacionit në fuqi;
- d) vepra me qëllime terroriste ose vepra penale të lidhura me veprimtari terroriste, sipas përcaktimeve të legjislacionit në fuqi;
- dh) falsifikim;
- e) puna e fëmijëve dhe forma të tjera të trafikimit të qenieve njerëzore sipas përcaktimeve të legjislacionit në fuqi. Detyrimi për skualifikimin e një operatori ekonomik zbatohet edhe kur personi i dënuar me një vendim gjyqësor të formës së prerë është anëtar i një organi administrimi, drejtues ose mbikëqyrës i atij, aksionar ose ortak, operatori ekonomik, ose ka kompetenca përfaqësuese, vendimmarrjeje ose kontrolluese brenda tij.

2. Një operator ekonomik skualifikohet nga pjesëmarrja në një procedurë prokurimi kur operatori ekonomik ka shkelur detyrimet e tij në lidhje me pagesën e taksave ose kontributeve të sigurimeve shoqërore, me përjashtim të rasteve, kur:

- a) operatori ekonomik është në proces gjyqësor dhe nuk ka një vendim gjyqësor ose administrativ të formës së prerë, sipas legjislacionit në fuqi;

b) operatori ekonomik i ka përmbushur detyrimet e tij, duke paguar ose duke lidhur një marrëveshje detyruese me qëllim pagimin e detyrimeve tatimore që duhet të paguajë, duke përfshirë, aty ku është e zbatueshme, çdo kamatëvonesë ose gjobë. Në çdo rast, marrëveshja detyruese me qëllim pagimin e detyrimeve tatimore duhet të jetë e nënshkruar përpara datës së shpalljes së procedurës së prokurimit;

c) operatori ekonomik nuk ka paguar shuma të vogla tatimesh ose kontributesh të sigurimeve shoqërore deri në vlerën prej 10 000 lekësh;

ç) operatori ekonomik është informuar për shumën e saktë që duhet të paguajë pas shkeljes së detyrimit të tij për të paguar taksat ose kontributet e sigurimeve shoqërore, në një kohë të tillë kur nuk ka pasur mundësi të marrë masat e nevojshme për shlyerjen e tyre, përpara skadimit të afatit për dorëzimin e kërkesës për pjesëmarrje/ofertës.

3. Çdo operator ekonomik skualifikohet nga pjesëmarrja në procedurën e prokurimit nëse është në një nga situatat e mëposhtme:

a) autoriteti ose enti kontraktor provon se ka shkelje të detyrimeve të zbatueshme që lidhen me legjislacionin për mbrojtjen nga diskriminimi, legjislacionin mjedisor, social, të punës, në fuqi apo me marrëveshjet kolektive dhe aktet e së drejtës ndërkombëtare në lidhje me këto fusha, ku Republika e Shqipërisë është palë;

b) operatori ekonomik ka falimentuar ose është subjekt i procedurave të falimentimit, kur asetet e tij administrohen nga një administrator falimentimi ose nga gjykata, kur ekziston një marrëveshje me kreditorët, kur veprimtaritë e tij të biznesit janë pezulluar ose ai ndodhet në një situatë të ngjashme që ka lindur nga një procedurë e ngjashme në zbatim të legjislacionit në fuqi, me përjashtim të rastit të parashikuar në nenin 47, pika 2, shkronja “ç”, të këtij ligji;

c) operatori ekonomik është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi.

ç) autoriteti ose enti kontraktor provon se operatori ekonomik ka lidhur marrëveshje me operatorë ekonomikë të tjerë që kanë si qëllim të shtrembërojnë konkurrencën;

d) operatori ekonomik ndodhet në kushtet e konfliktit të interesit, sipas parashikimeve të legjislacionit në fuqi;

dh) operatori ekonomik është tërhequr nga nënshkrimi i kontratës në një procedurë prokurimi të zhvilluar nga vetë autoriteti ose enti kontraktor. Ky kusht zbatohet brenda një viti kalendarik nga tërheqja;

e) operatori ekonomik ka shfaqur mangësi të rëndësishme apo të vazhdueshme në përmbushjen e një kriteri thelbësor të një kontrate të mëparshme me një autoritet ose ent kontraktor apo një kontrate koncesionare që ka çuar në përfundimin e kësaj kontrate.

ë) operatori ekonomik ka paraqitur deklarata të rreme në dhënien e informacionit të kërkuar për të vërtetuar mungesën e arsyeve për skualifikim ose për plotësimin e kriterëve të përzgjedhjes, ka fshehur një informacion të tillë ose nuk është në gjendje të dorëzojë dokumentet provuese sipas kërkesave të përcaktuara në dokumentet e tenderit;

f) autoriteti kontraktor ka informacion të provuar se operatori ekonomik ka marrë përsipër të ndikojë në mënyrë të gabuar procesin e vendimmarrjes së autoritetit ose entit kontraktor për të marrë informacion konfidencial, që mund t'i japë atij avantazh të padrejtë në procedurën e prokurimit, ose nga pakujdesia të japë informacione të gabuara që mund të kenë ndikim domethënës në vendimet që lidhen me përjashtimin, përzgjedhjen ose prokurimin.

g) operatori ekonomik ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose

kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të fituar kontratat e prokurimit publik, koncesionit/partneritetit publik privat dhe ankandit publik, me vendim të Agjencisë së Prokurimit Publik, gjatë kohës që ky vendim është në fuqi.

gj) operatori ekonomik nuk ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi.

h) operatori ekonomik i regjistruar në regjistrin tregtar shqiptar nuk zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. Kategoritë e profesioneve përcaktohen me vendim të Këshillit të Ministrave, me propozim të ministrisë përgjegjëse për punën.

4. Në rrethana të jashtëzakonshme, që lidhen me arsye thelbësore të interesit publik, si shëndeti publik apo mbrojtja e mjedisit, të konfirmuara nga autoritetet kompetente, autoriteti ose enti kontraktor mund të vendosë të mos e skualifikojë operatorin ekonomik, pavarësisht parashikimeve të pikës 3 të këtij neni.

5. Autoriteti ose enti kontraktor skualifikon çdo kandidat ose ofertues, që paraqet të dhëna të rreme për qëllime kualifikimi, në çdo kohë, deri në momentin e lidhjes së kontratës dhe raporton në Agjencinë e Prokurimit Publik, për qëllimet e parashikuara në nenin 78 të këtij ligji.

6. Operatori ekonomik që ndodhet në një nga kushtet e skualifikimit të parashikuara në këtë nen mund të paraqesë prova me qëllim për të vërtetuar se masat e marra prej tij janë të mjaftueshme për të treguar besueshmërinë e tij, pavarësisht ekzistencës së kushteve për skualifikim. Për këtë qëllim, operatori ekonomik duhet të provojë që ka paguar apo ka marrë angazhim të paguajë kompensim për çdo dëm të shkaktuar si pasojë e kryerjes së një veprë penale apo shkeljeje ligjore, që ka sqaruar faktet dhe rrethanat në mënyrë gjithëpërfshirëse duke bashkëpunuar me autoritetet hetimore dhe që ka marrë masa konkrete organizative dhe për personelin të përshtatshme për parandalimin e veprave penale apo shkeljeve të tjera. Masat e marra nga operatori ekonomik duhet të vlerësohen duke marrë parasysh rëndësinë dhe rrethanat e posaçme të veprës penale apo të shkeljes. Nëse masat e marra konsiderohen të pamjaftueshme, operatorit ekonomik i jepen arsyet për një vendim të tillë.

7. Operatori ekonomik, i përjashtuar me vendim përfundimtar nga e drejta për të fituar kontratat e prokurimit publik, koncesionit/partneritetit publik privat dhe ankandit publik nuk ka të drejtë të përdorë mundësinë e parashikuar nga pika 6 e këtij neni gjatë periudhës së përjashtimit të përcaktuar në këtë vendim. 8. Për operatorët ekonomikë të regjistruar në regjistrat tregtarë shqiptarë, Sistemi i Prokurimit Elektronik verifikon automatikisht përmes ndërveprimit me sisteme të tjera përmbushjen e kushteve detyruese për skualifikim.

III.4.3 Në nenin 77 të ligjit nr. 162/2020 “Për prokurimin publik”, i ndryshuar, parashikohet shprehimisht se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

a) përshtatshmërinë për të kryer veprimtarinë profesionale;

b) gjendjen ekonomike dhe financiare;

c) aftësinë teknike dhe profesionale.

Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë teknike e profesionale për të zbatuar

kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.

3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit.

Xhironja vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë. Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës. 5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”

Ndërsa në nenin 92/3 të LPP-së përcaktohet se: “3. Autoriteti ose enti kontraktor, në zbatim të pikës 4 të këtij neni, vlerëson një ofertë të vlefshme vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit, pa rënë ndesh me përcaktimet e nenit 38 të këtij ligji...”

III.4.4. Referuar frymës së legjislacionit për prokurimin publik, vendosja e kriterëve të veçanta për kualifikim, ka si synim kryesor që t'i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet

ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Në varësi të kontratës dhe volumit të saj autoriteti kontraktor përcakton kërkesat e veçanta për kualifikim, të cilat janë të detyrueshme për t'u përmbushur nga operatorët ekonomikë pjesëmarrës në procedurat e prokurimit. Operatorët Ekonomikë janë të detyruar të përgatisin ofertat, në përputhje me kërkesat e përcaktuara në dokumentet e tenderit dhe ofertat që nuk përgatiten në përputhje me këto dokumente duhet të refuzohen si të papranueshme. Kriteret kualifikuese të përcaktuara nga autoriteti kontraktor, janë të detyrueshme për t'u përmbushur nga të gjithë ofertuesit ekonomikë pjesëmarrës në një procedurë prokurimi. Operatorët ekonomikë pjesëmarrës duhet të vërtetojnë se zotërojnë reputacionin, besueshmërinë, kapacitetet e konsideruara të nevojshme nga autoriteti kontraktor, për të zbatuar kontratën objekt-prokurimi. KPP sqaron, se në një procedurë prokurimi, subjekti i parë i interesuar është operatori ekonomik, i cili e përgatit ofertën e tij në përputhje me kuadrin ligjor në fuqi, dhe nga ana tjetër, është autoriteti kontraktor, i cili përzgjedh operatorin ekonomik që plotëson të gjitha kriteret e përcaktuara nga autoriteti kontraktor në dokumentet e tenderit, si dhe që ka përgatitur ofertën në përputhje me legjislacionin në fuqi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Për pasojë, Komisioni gjykon, se operatorët ekonomikë pjesëmarrës në një procedurë prokurimi duhet të plotësojnë vetëm kërkesat e vendosura në dokumentet e tenderit, e rrjedhimisht, vlerësimi e kualifikimi i tyre duhet të bëhet në përputhje vetëm me këto kërkesa. Nisur nga pretendimi i operatorit ekonomik ankimues për kundërshtimin e kualifikimit të operatorit ekonomik "One Albania" SHA me arsyetimin se: *"...Kompania :ONE ALBANIA" sh.a në Shtojcën 10 "FORMULARI PËRMBLEDHËS I VETËDEKLARIMIT" në Seksionin A "DEKLARATË PËR PËRMBUSHJEN E KRITEREVE TË PËRGJITHSHME TË KUALIFIKIMIT" nuk ka deklaruar të gjithë dokumentat për të vërtetuar pagimin e detyrimeve vendore nga çdo Bashki që ushtron aktivitetin e saj sipas ekstraktit në QKB. Nga ekstrakti në QKB i kompanisë ONE ALBANIA sh.a. rezulton se kompania ushtron aktivitet në të gjitha Bashkitë e Territorit të Republikës së Shqipërisë, por në Shtojcën 10 ka deklaruar vetëm Vërtetimin e Likuidimit të Detyrimeve Vendore nga Bashkia Tiranë, gjithashtu dhe dorëzuar si dokumentacion provues. Ndërkohë sipas LPP duhet të deklaronte dhe pastaj të dorëzonte dokumentacionin provues që nuk ka pagesa të pashlyera të taksave."*, Komisioni i Prokurimit Publik konstaton se, pretendimi i operatorit ekonomik ankimues lidhet me mosdeklarimin e të gjithë dokumentave për të vërtetuar shlyerjen e taksave vendore nga çdo Bashki që operatori ekonomik "One Albania" SHA ushtron aktivitetin e tij sipas ekstraktit në QKB. Nga verifikimi i dokumentave të tenderit Komisioni konstaton se, referuar kriterëve të veçanta të kualifikimit nuk është përcaktuar asnjë kërkesë e posaçme nga ana e autoritetit kontraktor që ofertuesit duhet të paraqesin vërtetimin e shlyerjes së taksave dhe tarifave vendore.

Pra, nga ana e autoritetit kontraktor në kriteret e veçanta të kualifikimit nuk është kërkuar në asnjë rast që ofertuesit duhet të paraqesin vërtetim për shlyerjen e taksave dhe tarifave vendore. Për sa më sipër, Komisioni i Prokurimit Publik gjykon, se pretendimi i operatorit ekonomik ankimues nuk qëndron.

Sa më sipër pretendimi i operatorit ekonomik ankimues nuk qëndron.

III.5. Lidhur me pretendimin e operatorit ekonomik “MC Networking” SHPK për kundërshtimin e kualifikimit të operatorit ekonomik “One Albania” SHA me arsyetimin se: “[...] Në këtë kriter kualifikues autoriteti kontraktor ka kërkuar që ofertuesi të ketë në stafin e tij të punësuar 17 (shtatëmbëdhjetë) punonjës, ku në këtë staf duhet të ketë 1 (një) punonjës të certifikuar në menaxhimin e mirëmbajtjes dhe SLA (ITIL) ose ekuivalent, duhet të ketë 2 (dy) punonjës të certifikuar për MTCNA ose ekuivalente, duhet të ketë 2 (dy) Punonjës të certifikuar për MTCSE ose ekuivalente, si dhe duhet të ketë 5 (pesë) punonjës të pajisur me certifikate mbi sigurimin teknik si Teknik Fibre, pra 10 (dhjetë) punonjës të certifikuar. Kompania “ONE ALBANIA” sh.a nuk e plotëson këtë kriter kualifikues, pasi nuk ka 10 (dhjetë) punonjës të kualifikuar të sipërpërmendur, pasi një person ka disa certifikime nga ato të kërkuara, ndërkohë që në kriterin kualifikues nuk është përcaktuar që një person mund të ketë MË SHUMË SE NJË CERTIFIKIM. PËRSA MË SIPËR, KËRKOJMË SKUALIFIKIMIN E OFERTËS SË KOMPANISË “ONE ALBANIA” SH.A, PËR MOSPËRMBUSHJEN E KRITERIT KUALIFIKUES TË PIKËS 2.3.3 “Kapaciteti teknik” të Shtojcës 9 “FORMULARI I KRITEREVE TE PËRZGJEDHJES/KUALIFIKIMIT” të dokumentave të tenderit të modifikuara të këtij tenderi[...]”, Komisioni i Prokurimit Publik vëren se,

III.5.1 Në shtojcën 9 “Kriteret e veçanta të kualifikimit”, pikën 2.3.3 të dokumentave të tenderit të ndryshuar autoriteti kontraktor ka kërkuar si vijon:

➤ **Tek Shtojca 8 “Kriteret e Veçanta të Kualifikimit”, pika 3 “Kapaciteti Teknik”**

➤ **ISHTE**

3. Operatori/ët ekonomik pjesëmarrës për të realizuar shërbimin objekt prokurimi, duhet të ketë **minimalisht 20 (njezet)** persona të punësuar, të cilët do të kryejnë shërbimin instalimit, konfigurimit dhe mirëmbajtjen e shërbimit, të diplomuar në fushën e Telekomunikacionit, Elektronikë, Informatike, Teknologji Informacioni, Elektrike, ose ekuivalente, në profilet sipas tabelës si mëposhtme:

Nr.	Stafi	Nr.
1.	Punonjës të certifikuar në menaxhimin e mirëmbajtjes dhe SLA (ITIL) ose ekuivalent	1 (një)
2.	Punonjës të certifikuar si Arkitekt Cybersecurity	1 (një)
3.	Punonjës të certifikuar për MTCNA ose ekuivalente	2 (dy)
4.	Punonjës të certifikuar për MTCSE ose ekuivalente	2 (dy)
5.	Punonjës të certifikuar për MTCRE ose ekuivalente	2 (dy)
6.	Punonjës të pajisur me certifikate mbi sigurimin teknik si Teknik Fibre	5 (pesë)
7.	Punonjës të tjerë	7 (shtatë)
	Totali i punonjësve (minimalisht)	20 (njezet)

- Për punonjësit me nr. rendor 1,2,3,4,5,6 (sipas tabelës së mësipërme), OE duhet te paraqes:
 - Kontratë pune individuale;
 - Diplomë përkatëse;
 - Çertifikata kualifikimi përkatëse.
 - Stafi që do të angazhohet për realizimin me sukses të kontratës, duhet të ketë minimalisht 1 (një) vit eksperiencë pune. Te paraqitet detyrimisht deklarata e kontributeve të sigurimeve shoqërore individuale të lëshuar nga e - albania.
- Për punonjësit e përcaktuar në nr. rendor 7 (sipas tabelës së mësipërme), te paraqitet:
 - Kontratë pune individuale;
 - Diplomë përkatëse;
 - Çertifikata kualifikimi (nëse disponojnë).

Stafi që do të deklarohet detyrimisht do të paraqitet Autoritetit Kontraktor për të qenë pjesë e planit të zbatimit të kontratës. Rastet e deklaratave të rreme, do të konsiderohen kushte për skualifikim.

➤ **BËHET**

3. Operatori/ët ekonomik pjesëmarrës për të realizuar shërbimin objekt prokurimi, duhet të ketë **minimalisht 17 (shtatëmbëdhjetë)** persona të punësuar, të cilët do të kryejnë shërbimin instalimit, konfigurimit dhe mirëmbajtjen e shërbimit, të diplomuar në fushën e Telekomunikacionit, Elektronikë, Informatikë, Teknologji Informacioni, Elektrike, ose ekuivalente, në profilet sipas tabelës si mëposhtme:

Nr.	Stafi	Nr.
1.	Punonjës të certifikuar në menaxhimin e mirëmbajtjes dhe SLA (ITIL) ose ekuivalent	1 (një)
2.	Punonjës të certifikuar për MTCNA ose ekuivalente	2 (dy)
3..	Punonjës të certifikuar për MTCSE ose ekuivalente	2 (dy)
4.	Punonjës të pajisur me certifikate mbi sigurimin teknik si Teknik Fibre	5 (pesë)
5.	Punonjës të tjerë	7 (shtatë)
	Totali i punonjësve (minimalisht)	17 (shtatëmbëdhjetë)

- Për punonjësit me nr. rendor 1,2,3,4 (sipas tabelës së mësipërme), OE duhet te paraqes:
 - Kontratë pune individuale;
 - Diplomë përkatëse;
 - Çertifikata kualifikimi përkatëse.

- Stafë që do të angazohet për realizimin me sukses të kontratës, duhet të ketë minimalisht 1 (një) vit eksperiencë pune. Te paraqitet detyruesisht deklarata e kontributeve të sigurimeve shoqërore individuale të lëshuar nga e - albania.
- Per punonjësit e përcaktuar në nr. rendor 5 (sipas tabelës së mësipërme), te paraqitet:
 - Kontratë pune individuale;
 - Diplomë përkatëse;
 - Çertifikata kualifikimi (nëse disponojnë).

Stafi që do të deklarohet detyruesisht do të paraqitet Autoritetit Kontraktor për të qenë pjesë e planit të zbatimit të kontratës. Rastet e deklaratave të rreme, do të konsiderohen kushte për skualifikim.

III.5.2 Në shtojcën 10 “Formulari përmbledhës i vetëdeklarimit”, i dokumentave të tenderit autoriteti kontraktor ka kërkuar si vijon:

Shtojca 10.

(Shtojcë për tu paraqitur nga operatori ekonomik)

FORMULARI PËRMBLEDHËS I VETËDEKLARIMIT

I. Unë i nënshkruari _____ në cilësinë e _____ të operatorit ekonomik _____ deklaroj nën përgjegjësinë time të plotë që:

A. Pjesa I: Informacion në lidhje me Operatorin Ekonomik

Identifikimi	Përgjigjja
Emri i operatorit ekonomik: (Ju lutemi renditni të gjithë operatorët ekonomikë nëse jeni një BOE. Ju lutemi tregoni rolin e operatorit ekonomik në BOE)	-----
Numri NIPT/et:	-----
Adresa postare: Qyteti / qyteti; Kodi postar	----- --
Përfaqësuesi (emri):	-----

Telefoni:	----- -
E-mail:	----- -----

B: DEKLARATË

Për nënkontraktorët dhe subjektet në kapacitetet, e të cilave do të mbështetet Operatori Ekonomik (nëse është e zbatueshme)

Në cilësinë e operatorit ekonomik, deklaroj nën përgjegjësinë time të plotë se:

- **Informacione për nënkontraktorin**

Emri i nënkontraktorit të propozuar	NIPT –i	Përqindja e nënkontraktimit	Mallrat/ shërbimet e lidhura me to për t'u nënkontraktuar

- **Informacion mbi subjektet mbi kapacitetin, e të cilëve do të mbështetet operatori ekonomik**

Emri (at) e subjekteve	NIPT-i	Lloji i kapacitetit për të cilin do të mbështetet operatori ekonomik	Specifiko konkretisht kapacitetin/et

Pjesa II: Shkaqet e përjashtimit

A: DEKLARATA PËR PËRMBUSHJEN E KRITEREVE TË PËRGJITHSHME TË KUALIFIKIMIT

Deklarata

Operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin, ose sipas legjislacionit të posaçëm në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv.

Sqarime nëse vlerësohet e nevojshme _____

Operatori ekonomik nuk është dënuar për ndonjë nga veprat penale të parashikuara në nenin 76/1 të LPP-së ose ka qenë i dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së.

Sqarime nëse vlerësohet e nevojshme _____

Personi / personat në cilësinë e anëtarit të organit administrativ, drejtorit ose mbikëqyrësit, si aksionar ose si ortak, ka ose kompetenca përfaqësuese, vendimmarrëse ose kontrolluese brenda operatorit ekonomik, si më poshtë:
etj. nuk janë të dënuar me vendim gjyqësor të formës së prerë për ndonjë nga veprat penale të përcaktuara në nenin 76/1 të LPP-së ose kanë qenë të dënuar dhe ka kaluar një periudhë 5-vjeçare nga data e ekzekutimit të dënimit, nëse nuk është përcaktuar një periudhë tjetër nga gjykata, sipas parashikimeve të nenit 76 të LPP-së, etj. <i>Sqarime nëse vlerësohet e nevojshme</i> _____
Operatori ekonomik nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi <i>Sqarime nëse vlerësohet e nevojshme</i> _____
Operatori ekonomik nuk është në proces falimentimi (statusi aktiv). <i>Sqarime nëse vlerësohet e nevojshme</i> _____
Operatori Ekonomik ka paguar të gjitha detyrimet për taksat dhe kontributet e sigurimeve shoqërore, sipas legjislacionit në fuqi, ose ndodhet në një nga rastet e parashikuara në nenin 76/2 të LPP-së. <i>Sqarime nëse vlerësohet e nevojshme</i> _____
Operatori ekonomik ka paguar të gjitha detyrimet e energjisë elektrike, për të gjitha adresat e ushtrimit të aktivitetit, sipas legjislacionit përkatës në fuqi. Ky informacion kërkohet për operatorët ekonomikë, të cilët operojnë në territorin e Republikës së Shqipërisë. <i>Sqarime nëse vlerësohet e nevojshme</i> _____
Operatori Ekonomik nuk ka shfaqur mangësi të rëndësishme apo të vazhdueshme në përmbushjen e një kriteri thelbësor të një kontrate të mëparshme me një autoritet ose ent kontraktor apo një kontrate koncesionare që ka çuar në përfundimin e kësaj kontrate. <i>Sqarime nëse vlerësohet e nevojshme</i> _____
Operatori ekonomik ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi. <i>Sqarime nëse vlerësohet e nevojshme</i> _____
Operatori ekonomik i regjistruar në regjistrin tregtar shqiptar zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë. <i>Sqarime nëse vlerësohet e nevojshme</i> _____
Operatori ekonomik nuk është në listën e operatorëve ekonomikë të ndaluar për të fituar kontrata publike në përputhje me nenin 78 të LPP-së.

Operatori ekonomik nuk ka në cilësinë e anëtarit të organit të administrimit, drejtues ose mbikëqyrës i atij, aksionar ose ortak, ose me kompetenca përfaqësuese, vendimmarrjeje ose kontrolluese brenda tij persona të cilët janë /kanë qenë në këtë cilësi në një operator ekonomik të përjashtuar nga e drejta për të fituar kontrata publike, me vendim të Agjencisë së Prokurimit Publik, gjatë kohës që ky vendim është në fuqi.

Sqarime nëse vlerësohet e nevojshme _____

Operatori ekonomik ushtron aktivitetin e tij në zbatimin e kërkesave ligjore në fuqi.

Sqarime _____ nëse _____ vlerësohet _____ e
nevojshme _____

B: DEKLARATA

Për Dorëzimin e Ofertave të Pavarura

Në cilësinë e përfaqësuesit të operatorit ekonomik, Deklaroj Se:

Jam në dijeni të pasojave që vinë ndaj meje lidhur me këtë Deklaratë, në respektim të ligjit nr. 9121/2003, “Për mbrojtjen e konkurrencës” dhe ligjit nr. 162/2020, “Për prokurimin publik”, të ndryshuar.

Kam përgatitur ofertën në mënyrë të pavarur, pa bërë marrëveshje apo pa rënë dakord me asnjë konkurrent tjetër¹.

Në veçanti, pa kufizuar si më lart, nuk kam pasur kontratë apo marrëveshje me ndonjë konkurrent me qëllim cënimin e konkurrencën, në lidhje me:

çmimet;

metodat, faktorët ose formulat e përdorura për llogaritjen e çmimit;

qëllimin apo vendimin për të paraqitur apo jo një ofertë; ose,

paraqitjen e një oferte që nuk i plotëson specifikimet e kërkesës për ofertë.

Nuk kam pasur marrëveshje apo kontrata me ndonjë konkurrent, me qëllim cënimin e konkurrencës, në lidhje me cilësinë, sasinë, specifikimet apo dërgesa të veçanta të produkteve apo shërbimeve të cilat lidhen me prokurimin në fjalë.

Kushtet e ofertës nuk u janë bërë të njohura dhe as nuk do t’u bëhen të njohura, me qëllim cënimin e konkurrencës, në çdo mënyrë qoftë, konkurrentëve të tjerë, para datës dhe kohës së hapjes zyrtare të ofertave, shpalljes fitues dhe lidhjes së kontratës, vetëm nëse kërkohet me ligj.

C: DEKLARATA

Mbi Konfliktin e Interesit

Deklarata

Në cilësinë e operatorit ekonomik, ne deklarojmë se jemi të vetëdijshëm për sa vijon:

Konflikti i interesit është një situatë e konfliktit midis detyrës publike dhe interesit privat të një zyrtari, në të cilën ai / ajo ka interesa private direkte ose indirekte që ndikojnë, ose që mund të ndikojë ose që duket se ndikojnë në kryerjen e padrejtë të detyrave dhe detyrimeve publike.

¹ Për qëllim të kësaj deklarate dhe ofertës së paraqitur, fjala “konkurrentë” nënkupton çdo operator tjetër ekonomik, të ndryshëm nga Ofertuesi, të paraqitur ose jo si bashkim operatorësh ekonomik, që: a) paraqesin një ofertë në përgjigje të Njoftimit të Kontratës dhe/ose të Ftesës për Ofertë, të bërë nga Autoriteti Kontraktor; b) është një ofertues i mundshëm, i cili bazuar në kualifikimin, aftësitë ose përvojat e tij, mundet të dorëzojë një ofertë në përgjigje, të Njoftimit të Kontratës dhe/ose të Ftesës për Ofertë.

Në përputhje me nenin 21, paragrafi 1, Ligji Nr. 9367, datë 07.04.2005, kategoritë e zyrtarëve siç parashikohen në Kapitullin III, Seksioni II, që janë absolutisht të ndaluara të përfitojnë drejtpërdrejt ose indirekt nga nënshkrimi i kontratave midis një pale dhe institucionit publik janë:

- Presidenti i Republikës, Kryeministri, Zëvendës Kryeministri, Ministrat, ose Zëvendësministrat, Deputetët, Gjyqtarët e Gjykatës Kushtetuese, Gjyqtarët e Gjykatës së Lartë, Kreu i Kontrollit të Lartë të Shtetit, Prokurori i Përgjithshëm, Gjyqtarët dhe Prokurorët në nivelin e Gjykatës së Shkallës së Parë dhe Gjykatës së Apelit, Avokati i Popullit, Anëtarët e Komisionit Qendror të Zgjedhjeve, Anëtarët e Këshillit të Lartë të Drejtësisë, Inspektori i Përgjithshëm i Inspektoratit të Lartë të Deklarimit dhe Kontrollit të Pasurive dhe Konfliktit të Interesit, Anëtarët e Enteve Rregullatore (Këshilli Mbikëqyrës i Bankës së Shqipërisë, përfshirë Guvernatorin dhe Zëvendësguvernatorin; konkurrenca; telekomunikacioni; energjia elektrike; furnizimi me ujë; sigurimi; bonot; autoritetet e medias), sekretarët e përgjithshëm të institucioneve qendrore si dhe çdo zyrtar publik në çdo institucion publik pozicioni i të cilit është i barabartë me atë të Drejtorit i Përgjithshëm, drejtuesit e organeve të administratës publike që nuk janë pjesë e shërbimit civil.

Për nëpunësit civilë të nivelit të mesëm, sipas nenit 31 dhe zyrtarët sipas nenit 32 të kreut III, seksionit 2 të këtij ligji, ndalimi në paragrafin 1 të këtij neni, për shkak të interesave private të zyrtarit, siç përcaktohet këtu të zbatohet vetëm në rast të lidhjes së kontratave brenda fushës dhe territorit të institucionit dhe juridiksionit të institucionit, ku punon zyrtari. Ky ndalim do të zbatohet edhe kur pala në kontratë është një institucion varësie.

Kur zyrtari është kryetar bashkie ose nënkryetar i një bashkie ose komune, ose kryetar i një këshilli rajonal, anëtar i këshillit përkatës, ose një zyrtar i lartë i menaxhimit të një njësie të qeverisjes vendore, ndalimi për shkak të interesave private të zyrtarit, specifikuar këtu, do të zbatohet vetëm në rastin e lidhjes së kontratave, nëse ka, me bashkinë, komunën ose rajonin ku zyrtari ushtron një detyrë të tillë. Ky ndalim do të zbatohet gjithashtu kur pala në kontratë është një institucion publik në varësi të kësaj njësie (neni 21, paragrafi 2, Ligji Nr. 9367, datë 07.04.2005).

Ndalimet e parashikuara në nenin 21, paragrafët 1, 2 të Ligjit Nr. 9367, datë 07.04.2005, me përjashtimet përkatëse, do të zbatohen në të njëjtën masë edhe për personat e lidhur me zyrtarin, d.m.th. **bashkëshortin, bashkëjetuesin, fëmijët madhorë e prindërit e zyrtarit dhe të bashkëshortit dhe bashkëjetuesit.**

Unë jam në dijeni të kërkesave dhe ndalimeve të parashikuara në Ligjin Nr. 9367, datë 07.04.2005 "Për Parandalimin e Konfliktit të Interesit në Ushtrimin e Funksioneve Publike", të ndryshuar, dhe aktet nënligjore të miratuara në bazë të tij nga Inspektorati i Lartë i Deklarimit dhe Kontrolli i Pasurive, si dhe Ligjin Nr. 162/2020, datë 23.12.2020 "Për Prokurimin Publik".

Në përputhje me to, unë deklaroj këtu se asnjë zyrtar publik, siç përcaktohet në Kapitullin III, Seksioni II të Ligjit Nr. 9367, datë 07.04.2005, dhe në këtë deklaratë, nuk ka ndonjë interes privat, direkt ose indirekt, me personin juridik që unë përfaqësoj këtu.

D: DEKLARATA

Për zbatimin e dispozitave ligjore në marrëdhëniet e punës

Deklarata

Në cilësinë e operatorit ekonomik, deklaroj nën përgjegjësinë time të plotë se:

- Operatori ekonomik _____ garanton mbrojtjen e të drejtës së punësimit dhe profesionit nga çdo formë diskriminimi, të parashikuar nga legjislacioni i punës në fuqi.
- Operatori ekonomik _____ lidh me punëmarrësit kontratat përkatëse të punës dhe garanton masat në drejtim të sigurisë dhe shëndetit në punë për të Gjithë dhe, në mënyrë të veçantë, për grupet e rrezikuara, bazuar në legjislacionin e punës në fuqi.

- Operatori ekonomik _____ nuk ka masë Ligjore në fuqi, të vendosur nga Inspektoriati Shtetëror i Punës dhe Shërbimeve Shoqërore (ISHPSHSH). Në rastet kur janë konstatuar shkelje ligjore, operatori ekonomik ka marrë masat e nevojshme për adresimin e tyre, brenda afateve të përcaktuara nga ISHPSHSH.

Sqarime nëse vlerësohet e nevojshme

Pjesa III Kriteret e Përzgjedhjes/Kualifikimit

A: DEKLARATË

Në përputhje me specifikimet teknike dhe grafikun e realizimit të objektit të kontratës:

Deklarata	Përgjigje
Në cilësinë e operatorit ekonomik, ne deklarojmë se plotësojnë të gjitha specifikimet teknike dhe termat e referencës, siç udhëzohet në dokumentet e tenderit, dhe këtë e provojmë përmes certifikatave dhe dokumenteve të paraqitura me këtë deklaratë (nëse kërkohet nga Autoriteti/Enti Kontraktor), dhe marrim përsipër të realizojmë objektin në përputhje me Listën e shërbimeve dhe grafikun e ekzekutimit të përcaktuar nga Autoriteti/Enti kontraktor.	Po [] Jo []

B: DEKLARATË

Për disponimin e punonjësve dhe makinerive të nevojshme (nëse kërkohen)

Deklarata	Përgjigje
Në cilësinë e operatorit ekonomik, deklaroj nën përgjegjësinë time të plotë se: Unë kam punonjës të nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar, nëse fitoj, ose nëse më kërkohen sqarime nga autoriteti/enti kontraktor.	<u>Punonjës</u> Po [] Jo [] Nëse, po, numri i punonjësve: _____ <u>Profili i punonjësve</u> _____ <u>Makineri e mjete</u> Po [] Jo [] Nëse po, të listohen me të dhënat konkrete: _____
Emri, Mbiemri _____ Firma _____ Vula _____ Data e dorëzimit të deklaratës _____	

Ju lutemi sigurohuni që:

- Secili pjesëmarrës i renditur në një bashkim operatorësh ekonomikë të paraqesë një Formular të veçantë të Vetëdeklarimit.
- Në rast se, operatori ekonomik ofertues do të mbështetet në kapacitetet e subjekteve të tjera, një Formular i veçantë i Vetëdeklarimit duhet të paraqitet edhe nga subjekti mbështetës.

- Çdo vetdeklarim i pavërtetë/pasaktë nga ana e operatorëve ekonomikë jo vetëm që përbën shkak për skualifikimin nga procedura konkrete, por përbën shkak edhe për përjashtimin e tyre nga e drejta për të fituar kontrata publike deri në 3 vjet, sipas parashikimeve të ligjit për prokurimin publik.
- Operatorët ekonomikë që ofertojnë në procedurat e prokurimit të vetdeklarojnë në çdo rast informacionin e saktë që i korrespondon gjendjes së tyre faktike.

Në çdo rast, autoriteti/enti kontraktor ka të drejtë të kryejë verifikimet e nevojshme për vërtetësinë e informacionit të deklaruar nga operatori ekonomik për sa më sipër.

- Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar i pari që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e paraqitura si pjesë e ofertës në rrugë elektronike.
- Në procedurat e prokurimit me faza, ky dokumentacion i kërkohet të gjithë kandidatëve të kualifikuar në fazën e parë, përpara nisjes së afateve të ankimit.
- Ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, për dokumentat e ofertës të ngarkuara në Sistemin e Prokurimit Elektronik duhet të dorëzojë dokumentat provuese, të cilat duhet të jenë në origjinal ose në kopje të njehsuara.
- Ndërsa, dokumentet provuese, që do të paraqiten për të provuar vetëdeklarimet e bëra, duhet të paraqiten në origjinal ose të njësuar me origjinalin dhe të provojnë gjendjen faktike të ofertuesit në kohën e ofertimit të tij.
- Informacioni i pasqyruar në formularin e vetëdeklarimit, i cili gjendet në një bazë të dhënash, ku autoriteti/enti kontraktor mund të aksesojë direkt këtë informacion dhe /ose dokumentin, duhet të shoqërohet me adresën përkatëse për këtë bazë të dhënash.

III.5.3 Në përmbushje të kriterit të sipërpërmendur operatori ekonomik “One Albania” SHA ka dorëzuar në SPE:

- Formularin përmbledhës të vetëdeklarimit të firmosur dhe vulosur, ku në pikën B: DEKLARATË “Për disponimin e punonjësve dhe makinerive të nevojshme (nëse kërkohej)”, ku operatori ekonomik deklaron: *Në cilësinë e operatorit ekonomik, deklaroj nën përgjegjësinë time të plotë se: Unë kam punonjësit e nevojshëm si dhe mjetet dhe makineritë për ekzekutimin e kontratës, siç përcaktohet në dokumentet e tenderit, dhe e vërtetoj këtë me dokumentacionin përkatës, të cilin do ta paraqes në kopje origjinale ose të noterizuar nëse fitoj, ose nëse më kërkohej sqarime nga autoriteti/enti kontraktor. Punonjës Po [X] Jo [] Nëse, po, numri i punonjësve: 712 (numri total i punonjësve) nga të cilët 699 punonjës të siguruar (sipas Listëpagesës ESIG 25 të muajit Gusht 2025). Bazuar në DST deklarojmë se ONE Albania sh.a ka në stafin tekniko-profesional staf të certifikuar si më poshtë: 1. G.Gj-inxhinieri elektronike-i certifikuar për sigurimin teknik, I.H-inxhinieri elektronike, profili telekomunikacion-i certifikuar SCTE, 3.G.N.-inxhinieri e telekomunikacioneve-e certifikuar CISCO CCNA, 4. E. A.-Inxhinieri e Telekomunikacioneve- e certifikuar*

MTCNA, O.D- Inxhinieri Elektronike- i certifikuar MTCSE, 6. G. C – inxhinieri elektronike- i certifikuar SCTE, 7. N. A- inxhinieri elektronike- i certifikuar MTCSE, 8. A. Ç- inxhinieri elektrike- i certifikuar për sigurimin teknik, 9. E.Q- inxhinieri informacioni dhe komunikimi- e certifikuar MTCNA, 10. A. B- inxhinieri elektronike- i certifikuar ITIL, 11. G.Dh- inxhinieri elektronike, drejtimi telekomunikacion – i certifikuar CISCO CCNA, 12.A.H. D – inxhinieri telekomunikacioni – e certifikuar MTCNA, 13. A.H- inxhinieri elektronike- i certifikuar për sigurim teknik, 14. J. M- teknologji informacioni- i certifikuar për sigurim teknik, 15. M. A- inxhinieri elektrike- i certifikuar për sigurim teknik, 16. J.B – teknologji informacioni – i certifikuar për sigurim teknik, 17. S. K – inxhinieri elektronike, Drejtimi telekomunikacion, 18. A. D- inxhinieri softuerike, fakulteti i inxhinierisë dhe shkencave të natyrës (e certifikuar për sigurinë kibernetike përfshirë edhe mbrojtjen DdoS), 19. G.M-inxhinieri informatike, 20. A.Sadikaj- inxhinieri elektronike. Për të përmbushur këtë kërkesë do të paraqesim dokumentacionin përkatës, të kërkuar në dokumentat standarte të tenderit.

III.5.4. Në nenin 2 “Qëllimi i ligjit” të ligjit nr. 162/2021 “Për prokurimin publik”, i ndryshuar parashikohet se: “Qëllim i këtij ligji është:

- a) të rrisë efikasitetin dhe efikasitetin në procedurat e prokurimit publik;
- b) të sigurojë mirëpërdorim të fondeve publike dhe të ulë shpenzimet procedurale;
- c) të nxisë pjesëmarrjen e operatorëve ekonomikë në procedurat e prokurimit publik;
- ç) të nxisë konkurrencën ndërmjet operatorëve ekonomikë;
- d) të sigurojë një trajtim të barabartë dhe jodiskriminues për të gjithë operatorët ekonomikë, pjesëmarrës në procedurat e prokurimit publik;
- dh) të sigurojë integritet, besim publik dhe transparencë në procedurat e prokurimit publik”.

III.5.5. Në nenin 3 “Parime të përgjithshme” të ligjit nr. 162/2021 “Për prokurimin publik”, i ndryshuar parashikohet se: “1.Autoritetet dhe entet kontraktore garantojnë trajtim të barabartë dhe jodiskriminues për operatorët ekonomikë, si dhe veprojnë me transparencë e në mënyrë proporcionale.

2. Autoritetet dhe entet kontraktore nuk duhet të shmangin fushën e zbatimit të këtij ligji ose të ngushtojnë në mënyrë artificiale konkurrencën. Konkurrenca konsiderohet se është ngushtuar artificialisht kur prokurimi përgatitet me qëllimin për të favorizuar ose dëmtuar në mënyrë të padrejtë operatorë ekonomikë të caktuar.

3. Autoritetet dhe entet kontraktore janë të detyruara të zbatojnë detyrimet e përcaktuara në legjislacionin mjedisor, social e të punës dhe në dispozitat e marrëveshjeve dhe konventat ndërkombëtare, të ratifikuara në përputhje me Kushtetutën”.

III.5.6. Në nenin 77 të Ligjit Nr. 162/2020 “Për Prokurimin Publik”, të ndryshuar, parashikohet shprehimisht se: “1. Autoritetet ose entet kontraktore përcaktojnë kërkesat për kualifikim për operatorët ekonomikë bazuar në:

- a) përshtatshmërinë për të kryer veprimtarinë profesionale;
- b) gjendjen ekonomike dhe financiare;
- c) aftësinë teknike dhe profesionale. Kërkesat kufizohen vetëm në ato që janë të përshtatshme për të garantuar që një kandidat ose ofertues të ketë kapacitetet juridike, financiare dhe aftësitë

teknike e profesionale për të zbatuar kontratën që do të jepet. Të gjitha kërkesat duhet të kenë lidhje dhe të jenë proporcionale me objektin e kontratës.

2. Për sa i përket përshtatshmërisë për të kryer një veprimtari profesionale, autoritetet ose entet kontraktore mund të kërkojnë që operatorët ekonomikë të regjistrohen në një nga regjistrat profesionale ose tregtarë. Në procedurat e prokurimit për shërbime, ku është e nevojshme që operatorët ekonomikë të kenë një autorizim të veçantë ose të jenë anëtarë të një organizate të veçantë për të kryer shërbimin në fjalë në shtetin e tyre të origjinës, autoriteti ose enti kontraktor mund t'u kërkojë atyre të vërtetojnë se e kanë këtë autorizim ose anëtarësim.

3. Në lidhje me situatën ekonomike dhe financiare, autoritetet ose entet kontraktore mund të vendosin kërkesa që garantojnë se operatorët ekonomikë kanë kapacitetin e nevojshëm ekonomik dhe financiar për të zbatuar kontratën. Për këtë qëllim autoritetet ose entet kontraktore mund të kërkojnë në veçanti që operatorët ekonomikë të kenë një xhiro vjetore minimale të caktuar. Gjithashtu, autoritetet ose entet kontraktore mund të kërkojnë që operatorët ekonomikë të japin informacione në bilancet e tyre vjetore që të tregojnë raportet ndërmjet aktivitetit dhe pasivitetit. Xhiron vjetore minimale që kërkohet nga operatorët ekonomikë nuk mund të tejkalojë dyfishin e vlerës së parashikuar të kontratës. Kur një kontratë ndahet në lote, ky nen zbatohet për çdo lot individual. Megjithatë, autoriteti ose enti kontraktor mund të përcaktojë xhiron vjetore minimale që u kërkohet operatorëve, duke iu referuar grupeve të loteve, në rast se ofertuesi i suksesshëm merr disa lote që duhet të zbatohen në të njëjtën kohë. Në rastin e kontratave që bazohen në një marrëveshje kuadër, kërkesa për xhiron minimale llogaritet mbi bazën e përmasave maksimale të kontratave specifike që do të zbatohen në të njëjtën kohë ose, kur përmasat nuk dihen, mbi bazën e vlerës së parashikuar të marrëveshjes kuadër.

4. Në lidhje me aftësitë teknike dhe profesionale, autoritetet ose entet kontraktore mund të vendosin kërkesa që garantojnë se operatorët ekonomikë zotërojnë burimet e nevojshme njerëzore e teknike, si dhe përvojën e nevojshme për të zbatuar kontratën sipas një standardi të përshtatshëm cilësie. Autoritetet ose entet kontraktore, në veçanti, mund të kërkojnë që operatorët ekonomikë të kenë një nivel të mjaftueshëm përvoja që vërtetohet nga referenca të përshtatshme nga kontratat e zbatuara në të shkuarën. Aftësia profesionale e operatorëve ekonomikë për të ofruar shërbimin, punën, mallin vlerësohet në lidhje me aftësitë organizative, reputacionin dhe besueshmërinë, përvojën e duhur, si dhe personelin e nevojshëm për të zbatuar kontratën, siç është përshkruar nga autoriteti ose enti kontraktor në njoftimin e objektit të kontratës. 5. Autoritetet ose entet kontraktore përcaktojnë në njoftimin e kontratës ose në ftesën për shprehje interesi kriteret e përzgjedhjes, si dhe dokumentet konkrete që duhet të paraqesin operatorët ekonomikë për përmbushjen e këtyre kriterëve.”

III.5.7. Në pikat 1 dhe 2 të nenit 82 “Formulari përmbledhës i vetëdeklarimit”, të ligjit nr. 162/2020 “Për prokurimin publik” i ndryshuar përcaktohet se: “1. Bashkë me dorëzimin e kërkesave për pjesëmarrje ose të ofertave, autoritetet ose entet kontraktore pranojnë si provë paraprake në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas parashikimeve të këtij ligji. Përmbajtja e këtij formulari përcaktohet në rregullat e prokurimit publik. Kur autoriteti ose enti kontraktor mund t'i marrë dokumentet mbështetëse duke u futur direkt në një bazë të aksesueshme të dhënash shtetërore, në formularin përmbledhës të vetëdeklarimit përcaktohet edhe informacioni që kërkohet për këtë qëllim, siç është adresa në internet e bazës të të dhënave, çdo e dhënë

identifikimi dhe, sipas rastit, në deklaratën e nevojshme për dhënien e pëlqimit. Operatorët ekonomikë mund të përdorin një formular vetëdeklarimi që është përdorur gjatë një procedure prokurimi të mëparshme, nëse informacioni që ajo përmban vazhdon të jetë i saktë dhe i vlefshëm. 3. Në çdo kohë gjatë procedurës, autoriteti ose enti kontraktor mund t'u kërkojë ofertuesve dhe kandidatëve sqarime dhe dokumente mbështetëse për këto sqarime, kur kjo është e nevojshme për të garantuar zbatimin korrekt të procedurës.

III.5.8. Në nenin 26 pika 2 dhe 6 të VKM nr. 285 datë 19.05.2021 "Për miratimin e rregullave të prokurimi publik" i ndryshuar, parashikohet se:

"2. Formulari përmbledhës i vetëdeklarimit përmban informacion dhe deklarin, si më poshtë vijon:

a) operatori ekonomik është i regjistruar në regjistrin tregtar sipas legjislacionit të vendit ku ushtron aktivitetin ose sipas legjislacionit të posaçëm, në rastin e një organizate jofitimprurëse, ka në fushën e veprimtarisë objektin e prokurimit, dhe ka statusin aktiv;

b) operatori ekonomik nuk është dënuar për asnjë nga veprat penale, të parashikuara në pikën 1, të nenit 76, të LPP-së;

c) personi/at në cilësinë e anëtarit të organit administrativ, drejtuesit ose mbikëqyrësit, aksionerit ose ortakut, ose që ka kompetenca përfaqësuese, vendimmarrjeje ose kontrolluese brenda operatorit ekonomik, nuk është ose ka qenë i dënuar me vendim gjyqësor të formës së prerë për asnjë nga veprat penale, të përcaktuara në pikën 1, të nenit 76, të LPP-së;

ç) operatori ekonomik nuk është shpallur fajtor për shkelje të rëndë profesionale, për sa kohë që nuk është parashkruar, sipas legjislacionit në fuqi;

d) operatori ekonomik nuk është në proces falimentimi;

dh) operatori ekonomik ka paguar të gjitha detyrimet për pagimin e taksave dhe tatimeve të kontributeve të sigurimeve shoqërore, sipas parashikimeve të pikës 2, të nenit 76, të LPP-së;

e) operatori ekonomik ka shlyer të gjitha detyrimet e maturuara të energjisë elektrike, dhe përmbush kërkesat që rrjedhin nga legjislacioni i fushës në fuqi. Ky informacion kërket për operatorët ekonomikë, të cilët ushtrojnë veprimtarinë në territorin e Republikës së Shqipërisë;

ë) operatori ekonomik nuk ndodhet në kushtet e konfliktit të interesit, sipas legjislacionit në fuqi;

f) operatori ekonomik ushtron aktivitetin në zbatim të kërkesave ligjore të legjislacionit mjedisor, social dhe të punës;

g) operatori ekonomik ka paraqitur ofertë të pavarur, sipas kërkesave të legjislacionit në fuqi;

gj) operatori ekonomik përmbush specifikimet teknike, sipas kërkesave të përcaktuara nga autoriteti/enti kontraktor;

h) operatori ekonomik disponon fuqinë punëtore, të nevojshme për ekzekutimin e kontratës, sipas kërkesave të autoritetit/entit kontraktor (kur është rasti);

i) operatori ekonomik disponon mjetet dhe makineritë e nevojshme për ekzekutimin e kontratës, sipas kërkesave të autoritetit/entit kontraktor, kur është rasti;

j) informacion mbi subjektet, mbi kapacitetet e të cilave, operatori ekonomik do të mbështetet, nëse është rasti dhe nënkontraktorët e mundshëm, nëse është rasti;

k) operatori ekonomik ushtron aktivitetin konform kërkesave të legjislacionit në fuqi;

l) operatori ekonomik ka regjistruar pronarët përfitues në regjistrin e pronarëve përfitues, sipas parashikimeve të legjislacionit në fuqi;

II)operatori ekonomik i regjistruar në regjistrin tregtar shqiptar zbaton detyrimet që rrjedhin nga legjislacioni në fuqi për pagat bazë referuese për kategori profesioni për punonjësit e pajtuar në punë.

6. Në procedurat e prokurimit me një fazë, përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i” dhe “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Në procedurat e prokurimit me faza, ky dokumentacion i kërkohet të gjithë kandidatëve të kualifikuar në fazën e parë, përpara nisjes së afateve të ankimit.

Ofertuesi i kualifikuar i pari, përpara publikimit të njoftimit të fituesit dhe nisjes së afateve të ankimit, duhet të dorëzojë dokumentet provuese, të cilat duhet të jenë në origjinal ose në kopje të njehsuara me origjinalin. Për dokumentet e ofertës, të ngarkuara në sistemin e prokurimit elektronik, ofertuesi i kualifikuar i pari duhet t'i paraqesë këto dokumenta në origjinal ose të njësuar me origjinalin. Gjithashtu, dokumentet provuese, që do të paraqiten për të provuar vetëdeklarimet e bëra, duhet të paraqiten në origjinal ose të njësuar me origjinalin dhe të provojnë gjendjen faktike të ofertuesit në kohën e ofertimit të tij. Autoriteti/enti kontraktor pranon një dokument të lëshuar nga i njëjti institucion ose palë e tretë dhe që ka të njëjtin informacion me atë të paraqitur në procedurën e zhvilluar në mënyrë elektronike. Operatorët ekonomikë të huaj duhet të paraqesin dokumentet në formën e kërkuar nga legjislacioni në fuqi për njohjen e dokumentacionit të lëshuar në një shtet të huaj. Për dokumentet që nuk lëshohen në vendin e origjinës, operatorët ekonomikë duhet të vetëdeklarojnë këtë fakt, përndryshe dokumentacioni do të konsiderohet i paparaqitur.”

III.5.9. Nisur nga pretendimet e operatorit ekonomik ankimues, për kundërshtimin e kualifikimit të operatorit ekonomik “One Albania” SHA, Komisioni nga shqyrtimi i dokumentacionit të dorëzuar në sistemin e prokurimit elektronik nga operatori ekonomik “One Albania” SHA, konstaton, se ky i fundit ka paraqitur Formularin Përmbledhës të Vetëdeklarimit, i cili nga verifikimi konstatohet se është plotësuar sipas Shtojcës 10 të dokumenteve të tenderit. Referuar pikës 6 të nenit 26 “Formulari përmbledhës i vetëdeklarimit”, të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, konstatohet, se ligjvënësi ka parashikuar se “Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuar me origjinalin.”

Referuar shkresës me nr. 604/33 prot., datë 11.11.2025, protokolluar me tonën me nr. 3115/4 prot., datë 19.11.2025 me lëndë “Dërgim dokumentacioni për procedurën e prokurimit “Procedurë e hapur mbi kufirin e lartë monetar” (shërbime) me objekt: “Shërbim interneti linja primare”, është depozituar nga autoriteti kontraktor Identitek SHA dokumentacioni i dorëzuar fizikisht pranë këtij të fundit, nga operatori ekonomik “One Albania” SHA.

III.5.10. Nisur nga pretendimet e operatorit ekonomik ankimes, dokumentet e tenderit, si dhe informacioni dhe dokumentacioni i dorëzuar nga autoriteti kontraktor pranë Komisionit të Prokurimit Publik, konstaton se operatori ekonomik “One Albania” SHA, si operator ekonomik i kualifikuar i pari në këtë procedurë prokurimi, në zbatim të nenit 26 pika 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik” i ndryshuar, ka paraqitur pranë autoritetit kontraktor dokumentet provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike.

Nga shqyrtimi i këtij dokumentacioni, konstatohet se operatori ekonomik “One Albania” SHA, në Formularin Përmbledhës të Vetëdeklarimit, në Pjesën III, B: Deklaratë Për disponimin e punonjësve dhe makinerive të nevojshme, ka deklaruar se disponon 712 (numri total i punonjësve) nga të cilët 699 punonjës të siguruar (sipas Listëpagesës ESIG 25 të muajit Gusht 2025). Bazuar në DST deklarojmë se ONE Albania sh.a ka në stafin tekniko-profesional staf të certifikuar si më poshtë: 1. G.Gj-inxhinieri elektronike-i certifikuar për sigurimin teknik, I.H-inxhinieri elektronike, profili telekomunikacion-i certifikuar SCTE, 3.G.N.-inxhinieri e telekomunikacioneve-e certifikuar CISCO CCNA, 4. E. A.-Inxhinieri e Telekomunikacioneve-e certifikuar MTCNA, O.D- Inxhinieri Elektronike- i certifikuar MTCSE, 6. G. C – inxhinieri elektronike- i certifikuar SCTE, 7. N. A- inxhinieri elektronike- i certifikuar MTCSE, 8. A. Ç- inxhinieri elektrike- i certifikuar për sigurimin teknik, 9. E.Q- inxhinieri informacioni dhe komunikimi- e certifikuar MTCNA, 10. A. B- inxhinieri elektronike- i certifikuar ITIL, 11. G.Dh- inxhinieri elektronike, drejtimi telekomunikacion – i certifikuar CISCO CCNA, 12.A.H. D – inxhinieri telekomunikacioni – e certifikuar MTCNA, 13. A.H- inxhinieri elektronike- i certifikuar për sigurim teknik, 14. J. M- teknologji informacioni- i certifikuar për sigurim teknik, 15. M. A- inxhinieri elektrike- i certifikuar për sigurim teknik, 16. J.B – teknologji informacioni – i certifikuar për sigurim teknik, 17. S. K – inxhinieri elektronike, Drejtimi telekomunikacion, 18. A. D- inxhinieri softuerike, fakulteti i inxhinierisë dhe shkencave të natyrës (e certifikuar për sigurinë kibernetike përfshirë edhe mbrojtjen DdoS), 19. G.M- inxhinieri informatike, 20. A.Sadikaj- inxhinieri elektronike. Për të përmbushur këtë kërkesë do të paraqesim dokumentacionin përkatës, të kërkuar në dokumentat standarte të tenderit. Sa më sipër, konstatohet, se operatori ekonomik “One Albania” SHA ka plotësuar Formularin Përmbledhës të Vetëdeklarimit, në përputhje me kërkesat e autoritetit kontraktor, ku në shtojcën për modifikimin e dokumentave të tenderit për pikën 2.3.3 të kapacitetit teknike autoriteti kontraktor ka kërkuar “Operatori/ët ekonomik pjesëmarrës për të realizuar shërbimin objekt prokurimi, duhet të ketë **minimalisht 17 (shtatëmbëdhjetë)** persona të punësuar, të cilët do të kryejnë shërbimin instalimit, konfigurimit dhe mirëmbajtjen e shërbimit, të diplomuar në fushën e Telekomunikacionit, Elektronikë, Informatike, Teknologji Informacioni, Elektrike, ose ekuivalente, në profilet sipas tabelës si mëposhtme:

Nr.	Stafi	Nr.
1.	Punonjës të certifikuar në menaxhimin e mirëmbajtjes dhe SLA (ITIL) ose ekuivalent	1 (një)
2.	Punonjës të certifikuar për MTCNA ose ekuivalente	2 (dy)

3..	<i>Punonjës te certifikuar për MTCSE ose ekuivalente</i>	2 (dy)
4.	<i>Punonjës te pajisur me certifikate mbi sigurimin teknik si Teknik Fibre</i>	5 (pesë)
5.	<i>Punonjës të tjerë</i>	7 (shtatë)
	Totali i punonjësve (minimalisht)	17 (shtatëmbëdhjetë)

- *Për punonjësit me nr. rendor 1,2,3,4 (sipas tabelës së mësipërme), OE duhet te paraqes:*
- *Kontratë pune individuale;*
 - *Diplomë përkatëse;*
 - *Çertifikata kualifikimi përkatëse.*
 - *Stafi që do të angazhohet për realizimin me sukses të kontratës, duhet të ketë minimalisht 1 (një) vit eksperiencë pune. Te paraqitet detyrimisht deklarata e kontributeve te sigurimeve shoqerore individuale e leshuar nga e - albania.*
- *Per punonjësit e përcaktuar në nr. rendor 5 (sipas tabelës së mësipërme), te paraqitet:*
- *Kontratë pune individuale;*
 - *Diplomë përkatëse;*

Nisur nga pretendimi i operatorit ekonomik “MC Networking” SHPK se: “Kompania “ONE ALBANIA” sh.a nuk e plotëson këtë kriter kualifikues, pasi nuk ka 10 (dhjetë) punonjës të kualifikuar të sipërpërmendur, pasi një person ka disa certifikime nga ato të kërkuara, ndërkohë që në kriterin kualifikues nuk është përcaktuar që një person mund të ketë MË SHUMË SE NJË CERTIFIKIM. PËRSA MË SIPËR, KËRKOJMË SKUALIFIKIMIN E OFERTËS SË KOMPANISË “ONE ALBANIA” SH.A, PËR MOSPËRMBUSHJEN E KRITERIT KUALIFIKUES TË PIKËS 2.3.3 “Kapaciteti teknik” të Shtojcës 9 “FORMULARI I KRITEREVE TE PËRZGJEDHJES/KUALIFIKIMIT”, nga verifikimi i dokumentacionit të dorëzuar pranë autoritetit kontraktor në zbatim të pikës 6 të nenit 26 të VKM-së nr. 285, datë 19.05.2021 “Për miratimin e rregullave të prokurimit publik”, e ndryshuar, pas kualifikimit të tij, konstatohet, se operatorit ekonomik “One Albania” SHA ndër të tjera ka dorëzuar pranë autoritetit kontraktor dokumentacionin si vijon: “Diplomë në inxhinieri elektronike në emër të z. A. B, lëshuar nga Universiteti i Studimeve në Modena dhe Reggio Emilia, Diplomë në emër të znj. A. D në programin për inxhinierinë softuerike, lëshuar nga universiteti Zaim Stamboll, Diplomë në emër të z. A.A.S, lëshuar nga Universiteti Politeknik i Tiranës, në degën elektronikë, Diplomë në emër të z. O. F.D lëshuar nga Universiteti Politeknik i Tiranës në degën inxhinieri elektronike, Diplomë në emër të z. N. S. A lëshuar nga Universiteti Politeknik i Tiranës, në inxhinieri elektronike, Diplomë në emër të z. G. O. C lëshuar nga Universiteti i Tiranës, në degën elektronikë, Diplomë në emër të z. I. Z. H lëshuar nga Universiteti Politeknik i Tiranës, në inxhinieri elektronike, profili telekomunikacion, Diplomë në emër të znj. G. I. N lëshuar nga Universiteti Politeknik i Tiranës, në inxhinieri të Telekomunikacioneve, Diplomë në emër të z. G. B.M, lëshuar nga Universiteti Politeknik i Tiranës, në degën inxhinieri informatike, Diplomë në emër të z. S. E. K lëshuar nga UPT, në degën elektronikë, Diplomë në emër të znj. E. S. A, lëshuar nga UPT, në degën inxhinieri të telekomunikacioneve, Diplomë

në emër të znj. A. B. H, lëshuar nga UPT, në inxhinieri telekomunikacioni, diplomë në emër të z. G. N. Dh, lëshuar nga UPT, në degën elektronike, Diplomë në emër të z. A. M. Ç, lëshuar nga UPT, në degën elektronike, Diplomë në emër të z. A.Xh.H lëshuar nga Albanian University, në inxhinieri elektronike, Diplomë në emër të z. M.A.A, lëshuar nga Universiteti “Ismail Qemali” Vlorë, në inxhinieri elektrike, Diplomë në emër të z. J. H. B, lëshuar nga Universiteti Aleksandër Moisiu Durrës, në degën Teknologji Informacioni, diplomë në emër të z. J.K.M, lëshuar nga Universiteti i Elbasanit “Aleksandër Xhuvani”, në Teknologji Informacioni, Diplomë master profesional në Informatikë Ekonomike, lëshuar nga Universiteti i Elbasanit “Aleksandër Xhuvani”, në emër të z. J.K.M, Diplomë në Teknologji Informacioni dhe Komunikimi, lëshuar nga Universiteti i Tiranës, në emër të znj. E.H.Q, Diplomë në emër të z. G.Ll.Gj, lëshuar nga UPT, në degën elektrike. Certifikatë lëshuar nga Mikrotik në emër të znj. A.H me të cilën dëshmohet se ka përmbushur me sukses kërkesat e duhura të trajnimit dhe certifikimit, si dhe njihet si e certifikuar nga Mikro Tik për rrjetin MTCNA, Certifikatë lëshuar nga Mikrotik në emër të znj. E. A me të cilën dëshmohet se ka përmbushur me sukses kërkesat e duhura të trajnimit dhe certifikimit, si dhe njihet si e certifikuar nga Mikro Tik për rrjetin MTCNA, certifikatë në emër të z. A.B lëshuar nga Axelos, Global Best Practice, më të cilën dëshmohet se është pajisur me certifikatën ITIL Foundation për menaxhimin e shërbimeve të IT-së, Certifikatë lëshuar nga Mikrotik në emër të z. O.D me të cilën dëshmohet se ka përmbushur me sukses kërkesat e duhura të trajnimit dhe certifikimit, si dhe njihet si inxhinier sigurie i certifikuar nga Mikrotik MTCSE, Certifikatë lëshuar nga Mikrotik në emër të z. N. A me të cilën dëshmohet se ka përmbushur me sukses kërkesat e duhura të trajnimit dhe certifikimit, si dhe njihet si inxhinier sigurie i certifikuar nga Mikrotik MTCSE, Certifikatë në emër të znj. A. D, lëshuar nga ISC2, certifikuar për sigurinë kibernetike, Certifikim Cisco në emër të znj. G.N e certifikuar nga Cisco si e asociuar për rrjetin, certifikatë Cisco në emër të Z. G.Dh, i certifikuar nga Cisco si i asociuar për rrjetin, Certifikatë në emër të z. I.H lëshuar nga EST SCTE 1945, me anë të së cilës vërtetohet se ka fituar akreditimin SCTE, certifikatë në emër të z. G. C lëshuar nga EST SCTE 1945, me anë të së cilës vërtetohet se ka fituar akreditimin SCTE, si dhe certifikatë e sigurimit teknik lëshuar nga Noa Control Dekra në emër të z. G. Gj, certifikatë e sigurimit teknik lëshuar nga Noa Control Dekra në emër të z. A. H, certifikatë e sigurimit teknik lëshuar nga Noa Control Dekra në emër të z. A. Ç, certifikatë e sigurimit teknik lëshuar nga Noa Control Dekra në emër të z. J. M, certifikatë e sigurimit teknik lëshuar nga Noa Control Dekra në emër të z. A.Z, certifikatë e sigurimit teknik lëshuar nga Noa Control Dekra në emër të z. M.A, certifikatë e sigurimit teknik lëshuar nga Noa Control Dekra në emër të z. J. B.

Sa më sipër, KPP gjykon, se nga verifikimi i Formularit Përmbledhës të Vetëdeklarimit dhe dokumentacioni i dorëzuar pranë autoritetit kontraktor në përputhje me nenin 26 pika 6 të Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, e ndryshuar, konstatohet, se operatori ekonomik “One Albania” SHA ka paraqitur dokumentacionin e plotë në përputhje me kriterin e kualifikimit në pikën 2.3.3, të modifikuar në shtojcën e publikuar nga autoriteti kontraktor.

III.5.11. Referuar frymës së legjislacionit për prokurimin publik, vendosja e kriterëve të veçanta për kualifikim, ka si synim kryesor që t’i shërbejë autoritetit kontraktor për njohjen e gjendjes dhe kapaciteteve të operatorëve ekonomikë, të cilët, nëpërmjet dokumentacionit të

paraqitur duhet të vërtetojnë se zotërojnë kualifikimet e nevojshme teknike, profesionale, kapacitetet ekonomike, financiare dhe organizative, makineritë, pajisjet e asete të tjera fizike, reputacionin dhe besueshmërinë, përvojën e duhur, si dhe personelin e nevojshëm, gjithçka në funksion të realizimit me sukses të kontratës. Kriteret kualifikuese të përcaktuara nga autoriteti kontraktor janë të detyrueshme për t'u përmbushur nga të gjithë ofertuesit pjesëmarrës në një procedurë prokurimi. Autoriteti kontraktor do të konsiderojë një ofertë të vlefshme, vetëm nëse ajo është në përputhje me të gjitha kërkesat dhe specifikimet e përcaktuara në njoftimin e kontratës dhe në dokumentet e tenderit. Sa më sipër gjykojmë, se kërkesat e mësipërme, duhet të përmbushen nëpërmjet paraqitjes së formularit përmbledhës të vetëdeklarimit nga operatori ekonomik sipas shtojcës 9 të dokumenteve të tenderit në respektim të nenit 82 të LPP dhe nenit 26 të VKM, i ndryshuar, dhe pas klasifikimit të ofertave, operatori ekonomik i kualifikuar i pari në mbështetje të pikës 6 të nenit 26 të VKM, i ndryshuar, pas kërkesës së autoritetit kontraktor, duhet të paraqesë dokumentet provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike, me qëllim provueshmërinë e deklarimeve në formularin përmbledhës të vetëdeklarimit. Sa më sipër, nga verifikimi i dokumentacionit të dorëzuar nga operatori ekonomik “One Albania” SHA pranë autoritetit kontraktor, konstatohet, se ky i fundit ka paraqitur dokumentacionin e nevojshëm me qëllim vërtetimin e deklarimeve të tij në formularin përmbledhës të vetëdeklarimit, sipas të gjitha kërkesave në pikën 2.3.3 të Kriterëve të Veçanta të Kualifikimit, të modifikuar në shtojcën e publikuar nga autoriteti kontraktor.

Sa më sipër, pretendimi i operatorit ekonomik ankimues “MC Networking” SHPK nuk qëndron.

III.6. Lidhur me pretendimet e tjera të ngritura nga operatori ekonomik “MC Networking” SHPK mbi kualifikimin e padrejtë të operatorit ekonomik “One Albania” SHA, Komisioni gjykon, se referuar arsyetimit të mësipërm, gjendja faktike dhe juridike e operatorit ekonomik “One Albania” SHA do të ndryshojë duke mbetur e skualifikuar rrjedhimisht pretendimet e tjera të ngritura nga operatori ekonomik ankimues, nuk do të merren në shqyrtim, në respekt të parimit të ekonomisë në shqyrtimin administrativ.

III.7. Lidhur me pretendimet e tjera të ngritura nga operatori ekonomik “MC Networking” SHPK për lënien të skualifikuar të operatorit ekonomik “Nisatel” SHPK, Komisioni gjykon, se referuar arsyetimit të mësipërm, përsa kohë gjendja faktike dhe juridike e operatorit ekonomik “Nisatel” SHPK mbetet e skualifikuar, si dhe operatori ekonomik “Nisatel” SHPK nuk ka dorëzuar ankesë pranë Komisionit të Prokurimit Publik, rrjedhimisht pretendimet e ngritura nga operatori ekonomik ankimues, nuk do të merren në shqyrtim, në respekt të parimit të ekonomisë në shqyrtimin administrativ.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, i ndryshuar, Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, e ndryshuar, Vendimit të Këshillit të Ministrave nr. 236, datë 20.04.2023, “Për përcaktimin e rregullave dhe tarifës së pagesës për ankimin në

një procedurë prokurimi pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos:

1. Të pranojë pjesërisht ankesën e paraqitur nga operatori ekonomik “MC Networking” SHPK, për procedurën e prokurimit “E hapur, mbi kufirin e lartë monetar”, me Nr. REF-54514-07-11-2025, me objekt: “Shërbim Interneti Linja Primare”, me fond limit 21,773,156.00 (njëzet e një milion e shtatëqind e shtatëdhjetë e tre mijë e njëqind e pesëdhjetë e gjashtë) **Lekë, pa TVSH**, zhvilluar me datë 29-09-2025 nga autoriteti kontraktor, Identitek Sh.a.
 2. Autoriteti kontraktor të kryejë rivlerësim të procedurës së prokurimit objekt ankimi, në përputhje me konstatimet e Komisionit të Prokurimit Publik.
 3. Autoriteti kontraktor brenda 5 ditëve të vërë në dijeni Komisionin e Prokurimit Publik për zbatimin e vendimit, duke dokumentuar veprimet e kryera.
 4. Ngarkohet zyra e financës që të bëjë kthimin e tarifës financiare të paguar nga operatori ekonomik “MC Networking” Shpk.
 5. Kundër këtij vendimi mund të bëhet ankim në Gjykatën Administrative të Apelit.
 6. Kopje e këtij vendimi i dërgohet për njoftim Agjencisë së Prokurimit Publik.
- Ky vendim hyn në fuqi menjëherë.

KOMISIONI I PROKURIMIT PUBLIK

Anëtar
Kreshnik Ternova

Anëtar
Anila Malaj

Anëtar
Gjergj Mersini

Nënkryetar
Fiorent Zguro

